

## **Pola Korinnandmo tiratna outna timbiŋ rapar Outna kam**

Polna min mbuŋa, Korinna ma auŋ aniacian, na ma Akaiana pitrik waŋ ndeacrena, anna mon Girikna tiacarpaiknan. Na Pol, ma ndo ma Iesusna kammo Korin auŋ aniacmo outta tikca wiwitiatna ramoot, na ma an auŋ aniacmo Iesusna ritipaikta meikramtairta tumbunna moa ŋgepatna. Na an minna Pola min tikcarica, kabena auŋembmo aiŋa mona taŋri, na makukara an Korinnanda Iesusa ripacrena tumbunmo larurina. Ri, Pola gan timbiŋ rapara tirca, minmo iro laŋ neaŋ te, mina ndorita makukarmo wandonainandet.

Aintik Pola Korinnanda ripacrena laiplacarta ritipaca irik narica ma anna kakadmaiap. Moca mina tipemb kirarir laiŋga ŋgocrai nari. Na ma laŋtaŋgoarta tipemb kirarira momona kamb toprinan, na makukara meikramtairmo larurenan, na mina Raraŋ Aetaniacna Neronŋmo mba wattacarica mina tiŋara mona. Na ma mben-deina tip kirar laŋap tocmo mbopatna, na ainta reik laiŋga Neronŋ Ratta wanaiŋa neaŋrenanmo, ritipacna meikramtairmo neaŋrenanapa, men-acrina meikramtaira mac nda ŋgepnanap.

Na an reikca muruŋa Korinnandmo makukara neaŋgatna, na Pola minmo kamb laiŋ topca minmo otaca mina Raraŋ Aetaniacmo mataua lamŋi rapaca mana toŋtoŋa matau ranŋaina.

Na gan timbiŋ raparna inikna sapta 13, Pola kabena meikramtaira matŋina tipemb kirarirmo wandacrinan, na anna outna reac laŋa Raraŋ Aetaniaca ndona meikramtairmo neaŋrenan. Na gan timbiŋ raparna sapta 13, Iesusa ripacrena laiplacar anna tonŋorenan.

## **Ne ritipacna laiplacara ne ndorita irembmo aŋgiri ŋgepnake, ndorimo kai ipuŋ teac**

(1—4)

<sup>1</sup> Aku Pol, aku Karais Iesusna up aŋgirena ramoot, anna Raraŋ Aetaniacna tonŋon mbuŋa ma aukmo up aŋgirena ramootta mona larapacatna. Aukapa kaka Sostenisap,

<sup>2</sup> aŋga nenmo Korin auŋ aniac ndeacrena Raraŋ Aetaniacna Iesusna ritipaikta meikramtairta tumbunmo aŋga gan timbiŋ rapara nena tiratna. Na Karais Iesusa ma nenmo moa Raraŋ Aetaniacna meikramtair ndaruca, nenmo larapacrinan, na ne manan ŋgoin. Na ma nenapa an auŋembta meikramtaira muruŋa mina Karais Iesusna i mbuŋa ripacreke, na man mbuŋa ndori kotacna digina mbendeirena meikramtairmo, ma minmo muruŋa larapacrina, ma nenapa aina muruŋa Kacoot.

---

**1:2** Up 9.14, na 18.1, na 18.17, na Ro 1.7, na 10.12, na 1 Ko 6.11, na 2 Ti 1.9

<sup>3</sup> Na aina Aet Raraŋ Aetaniacapa Kacoot Iesus Karaisa nenmo kadmaica nena iroar inkarmo moi wewettaca laŋ ndeacnandet.

*Pol ma Raraŋ Aetaniacmo kam laŋ neaŋgatna*

<sup>4</sup> Na Karais Iesusna par mbuŋ tik, Raraŋ Aetaniaca nena nakadmaica, ma nenmo mataua morena, aında moca aku memetmbaca nena ndamŋireke, aku ndona Raraŋ Aetaniacmo kam laŋ neaŋrena.

<sup>5-6</sup> Na aia mana kamma nenmo mbopatke, an kamma ndo nena iroar inkara moa paŋpaiŋiatna. Te, gan tiacarpaikna meikramtaira watnandet, ma nena eteacna watmo, moa gagrarena. Na aku Raraŋ Aetaniacmo kam laŋ maneaŋgat. Na Karaisna par mbuŋa, Raraŋ Aetaniac ma reac, reacna kirarirta iroara ma nenmo moa minna tikca maecreke, gaird tocna kirarir, kam matau mbopna kirarir, na reac, reaca matau lamŋina landamŋiar.

<sup>7</sup> Aintik mandeaca ne memetmbaca aina Kacoot Iesus Karaismo laru raekca tikna gagraca anna ndabirenanna, na ne Neroŋ Ratna kakadmaina opotacmo mba matpiitndai.

<sup>8</sup> Na Iesus Karaisa ma nenmo otaca moi paŋpaiŋica ne witiki gagraca, ne taŋi an mamainna ra ndaru te, ne makukar kocor, an aina Kacoot Iesus Karaisna ra mbuŋa.

---

**1:3** Ro 1.7, na 2 Ko 1.2  
na 2 Ti 1.8, na KIEK 1.2

**1:5-6** 1 Ko 2.1-2, na 12.8, na 2 Ko 8.7,  
**1:7** Lk 17.30, na Pil 3.20, na 2 Te 1.7,  
**1:8** Pil 1.6, na Kol 1.22, na 1 Te 3.13, na 5.23

<sup>9</sup> Na Raraŋ Aetaniaca ma nenmo maacat, te, nenmo ndona Nuoc Iesus Karaisap nikinik iro kabe aŋgica manap eacna moca, na Iesus Karais ma aina Kacoot. Na Raraŋ Aetaniaca mo, ndopatna reik, ma mo minna tiknandet.

*Korinna Iesusna ritipaikta meikramtairta tum-buna, tipniŋa titacatna*

<sup>10</sup> Ne Iesusa ripacrena laiplacar, aku aina Kacoot Iesus Karaisna i mbuŋa, aku nenmo kam gargara gaindopnande, ne muruŋa iro kabe aŋgica kamkabe niŋgikca mo, na ne kai titaca tamtamma taŋ teac. Na ne muruŋa wiwit kabe ŋgoin ndeac, na ne muruŋa, iro kabe ndeac, na toŋtoŋ kabe ndeac.

<sup>11</sup> Na ne aukna Iesusa ripacrena laiplacar, Koloena kamkabeara aukmo gaindopatna, ne ndorimo ipuŋga mboprena.

<sup>12</sup> Na an nena ainda ipuŋga mboprena ki-rarirta kambca nena muruŋa rikca aku gaindopnande, "Nena ndeida gaindoprena, 'Aku Polnan.' Na nena ndeida gaindoprena, 'Aku Apolosnan.' Na nena ndeida gaindoprena, 'Aku Pitanan.' Na nena ndeida gaindoprena, 'Aku Karaisnan.' "

<sup>13</sup> Ee! Kaica? Karais ma titaca waŋniŋ ndeacre ki, a? Na aku Pol, aku nen ŋgotacna moca ik nakeraca menacatnan ki, a? Na ne aukna i mbuŋa kitac puk aŋgiatnan ki, a?

<sup>14</sup> Na nena rikca aku Kirispusapa Gaius, maninŋ

---

**1:9** Ais 49.7, na In 17.21, na 1 Ko 10.13, na 1 Te 5.24, na 1 Io 1.3    **1:10** Ro 12.16, na 2 Ko 13.11, na Pil 2.2, na 3.16, na 1 Pi 3.8

**1:12** In 1.42, na Up 18.24-28, na 19.1, na 1 Ko 3.4    **1:14** Up 18.8, na 19.29, na Ro 16.23

ningikca aku manijmo kitac pukca moatna, na ramoot ianna mba mac moatke. Anna moca aku Raraŋ Aetaniacmo kam laŋ neaŋgatna.

<sup>15</sup> Ainda moca ramoot ianna gaimda kai mbop teac, “Aia Polna i mbuŋa kitac puk aŋgiratna.”

<sup>16</sup> Gidik aku meikramtair ndeidmo kitac puk neaŋgatna, an meikramtaira mina Stepanasna kac ndeacrenan. Na aku lamŋi ŋgocor, aku ndeidmo kitac puk neaŋgat, co, wanaiŋ.

<sup>17</sup> Na Karais ma aukmo kitac pukca mo nake mba mbagiritatnan. Wanaiŋ. Ma aukmo kam wembaŋ laŋ wiwitina mandacatna. Na aku kamb ndoprena ramtairta kirara mba moatke. Wanaiŋ. Moca aku Karaisna keracatna ikmo, moi reac wanaiŋ toc ndacari nari.

### *Karais anna Raraŋ Aetaniacna gargar*

<sup>18</sup> Anna gidik ŋgoin, meikramtaira kocnai topna morena meikramtair, mina Karaisna ik nakeracatna kammo mina anmo ŋaŋaona paparuna kam toc ndamŋirena. Na Raraŋ Aetaniaca aimo mac nda aŋgirina meikramtair, aia lamŋirena Karaisna ik nakeracatna kamma, anna Raraŋ Aetaniacna gargar.

<sup>19</sup> Na Raraŋ Aetaniacna timbigta kapca gan kam ndopca eacrena, “Aku gan tiacarpaikna iro laŋgap eacrena meikramtairta landamŋimo, mo kecar i te, an landamŋi aniacap eacrenanmo, moi kecarica mina wanaiŋ ndacarinande.”

---

**1:16** 1 Ko 16.15      **1:17** Mt 28.19, na In 4.2, na 1 Ko 2.1, na 2.4, na 2.13, na 2 Pi 1.16      **1:18** Up 17.18, na Ro 1.16, na 1 Ko 2.14, na 15.2, na 2 Ko 4.3      **1:19** Ais 29.14, na Ier 8.9

<sup>20</sup> Na mandeaca, aia gan tiacarpaik ndeacrena meikramtaïrmo aia minmo titocna kam ndopit? Na Tip Wandikca matau ngoinna lamñirena ramtaïrmo, aia minmo titoc ndopit? Na kamb punğa ipunğa mboprena ramtaïrmo, aia min motocmo tit ndopit? Na Rarañ Aetaniaca ma gan tiacarpaikna meikramtaïrta landamñiarimo, mo ngocraica mina ñaņaoca mbopekna kambta kirar toc.

<sup>21</sup> Na mana iroapa landamñi lañ manan mbuñ tik, Rarañ Aetaniaca aind ndamñirena, mina ndorita landamñi mbuñ, co, gan tiacarpaikna meikramtaïra manmo mba lamñi mbe. Aintik Rarañ Aetaniaca min mac nda anğina kabena taup mac moatna, anna, “An kam ñaņao mbuņa.” Aia nenmo an ndoprena. Na meikramtaïra anna waraca Rarañ Aetaniaca ripac te, Rarañ Aetaniaca minmo mac nda anğinande.

<sup>22</sup> Na Iudananda mina ndorimo ngagatraca watna nagagararena, na Giriknanda mina ndorimo landamñi lainğa iro landamñi aniacap anğina moca anna gagararena.

<sup>23</sup> Na aia Karaisna ik nakeraca menacatna kamma Iudanangepta iroar inkar minanmo, aoclatacna wautna kam kirara wiwiritiran. Na Iudana meikramtaïr wanaiņa anmo ñaņaoca mboprena kamna kirar ndamñirena.

---

**1:20** Iop 12.17, na Ais 19.12, na 33.18, na 44.25, na Mt 11.25, na Lk 10.21, na Ro 1.20-21, na 1.28    **1:21** Mt 11.25, na Lk 10.21, na Ro 1.20-21, na 1.28    **1:22** Mt 12.38, na Mk 8.11, na In 4.48, na Up 17.18, na 17.32    **1:23** Ais 8.14, na Mt 11.6, na In 6.60, na 6.66, na Ro 9.32, na 1 Ko 2.14, na Gal 5.11

24 Na aia meikramtair, Raraŋ Aetaniaca aina ŋgacrena kamma aia waracrina, na Iudananapa Giriknan toco waracrina, na aia lamŋirena, Karaisa ma Raraŋ Aetaniacna gargar, na ma mana iro landamŋi laŋ.

25 Na gan tiacarpaikna meikramtaira, anmo gaind ndamŋirena, Raraŋ Aetaniacna iroar ndeida laingwa wanaiŋ, anna ŋaŋao ŋgoin. Ri, an iroara meikramtairta landamŋimo kocnaia tamuŋ ŋgoin ndeacrena. Na mina gaind ndamŋirena, Raraŋ Aetaniacna tipemb kirarir ndeida, Raraŋ Aetaniacmo wandacrena, ma gargara minna wanaiŋ. Na mana an kirarirta gargara bagaraniac ŋgoin, meikramtairta gargarmo kunda tamuŋ ŋgoin.

26 Na ne Iesusa ripacrena laiplacar, ne lamŋirena, ŋgaua Raraŋ Aetaniaca nenmo aca ne Iesusna ritipaikta meikramtairta tumbunna ndaruca eacri, na nena ndeida gan tiacarpaikna meikramtairta lamnikca, landamŋiar anikta ramtairta kirara eac ŋgocor. Na nena ndeida gagarar kocor. Na nena ndeida i aniacapna ramtairta racaindpaiknanna wanaiŋ.

27 Na Raraŋ Aetaniacna larapacatna meikramtair, mina kabena meikramtairta lamniac ŋgoutta, mina iroara laingwa wanaiŋ, na aintocna tipna kirar mbuŋa, Raraŋ Aetaniaca gan tiacarpaikna landamŋiarta meikramtairmo, moi numbira monande. Na meikramtair ndeida watreke, mina gagarar kocorta kirar

---

1:24 Ro 1.4, na 1.16, na 1 Ko 1.18, na Kol 2.3      1:25 2 Ko 13.4

1:26 Mt 11.25, na In 7.48, na Ie 2.1-5      1:27 Mt 11.25, na Ie 2.5

ndeacrena, aintanmo Raraŋ Aetaniaca aŋgi te, gan tiacarpaikna gargarapna ramtaira moi numbira monande.

<sup>28</sup> Na ma an iremb kocorta meikramtairmo, ma aŋginande, na an meikramtairmo, ndeida watreke mina ndaekpemb koind, na mina reik ŋgocorta kirar. Na aintocna tipna kirarna kirara Raraŋ Aetaniaca an irembapa gagrar anikapnanmo, ma ainda morena, ma minmo aŋgiri iriki kaŋgaukca tiknande.

<sup>29</sup> Ainda moca ramoot ianna Raraŋ Aetaniacna lamniacmo, ndona i aŋgiri ŋgepna minna wanaiŋ.

<sup>30</sup> Na Raraŋ Aetaniac ma ndo nenmo aŋgica Karais Iesusap tikatna. Na aina moca Karaisa Raraŋ Aetaniacna iro laŋapa landamŋina ramoot ndarurina. Na Karais mbuŋ tik, Raraŋ Aetaniaca aimo moa aŋgira aia meikramtair wandoik laiŋ ndaruca, ma aimo moa aia mana tipemb kirarir ratta raŋgairana. Na Karaisna aiŋ mbuŋ tik, Raraŋ Aetaniaca aimo Karais mbuŋ ŋgoikatna, na tip ŋgoreacna makukca aimo mac bubuocna minna wanaiŋ.

<sup>31</sup> Aintik Raraŋ Aetaniaca tonŋgorinanna, aia timbigta kap mboprina kirara raŋgairaiŋ, “Na ramootta ndona i aŋgiri ŋgepna ndop te, ma ndona ia kai aŋgi ŋgep teac, ma Kacootna imo aŋgiri ŋgep.”

## 2



*Pola Korinnaŋgepta ritipacna kamma an ndopatna*

<sup>1</sup> Na ne Iesusa ripacrena laiplacar, an minna aku kipca nenap eacri, aku nenmo Raraŋ Aetaniacna iŋgoroca eacrina kamma nenmo an ndopatna, na aku nenmo mba landamŋiarta ramtair morena kambta kirara nenmo aintocna kamma mba mboprenanna.

<sup>2</sup> Na aku gaind toc ndamŋirena, an minna aku nena rikmo eac te, aku reac ianna landamŋina mba moitndai. Wanaiŋ. Aku Iesus Karaisna landamŋi niŋgikca lamŋiraŋnande. Na anna gidik, Iesus Karais, ma ik nakeraca menacatna.

<sup>3</sup> Na an minna aku nenap eacatnanna, aku gagarar kocor, na aku rugut moatna, na aku nekca ŋgocrairina.

<sup>4</sup> Na aku mboprena kammapa kam wembaŋ laŋa aku wiwitirenanna, anna aku landamŋiarta ramtairta kirar toca mba morinan, te, aukna landamŋi aniaca nena iroar inkara moi ŋgetrikinandet. Wanaiŋ. Aku nenmo Ŋeroŋ Ratna gargar wandacatna.

<sup>5</sup> Na aku ainda moatna, aintik aku tonjo ŋgocor, ramootna landamŋi mbuŋa ne ndorita ritipaikca moi laruna. Wanaiŋ. Aku tonjorinanna, Raraŋ Aetaniacna gargara ndo an ritipaikca moi laruna.

*Raraŋ Aetaniacna Ŋeroŋa ndo aimo landamŋi laŋ neaŋrena*

---

**2:1** 1 Ko 1.17    **2:2** Gal 6.14, na Pil 3.8    **2:3** Up 18.9, na 2 Ko 10.1    **2:4** Ro 15.19, na 1 Ko 1.17, na 1 Te 1.5, na 2 Pi 1.16    **2:5** 2 Ko 4.7, na 6.7

6 Na anna gidik, aia meikramtaira mandaibinna Raraŋ Aetaniacna iro laŋapa landamŋina tipna kirar mbuŋa gargarmo aŋgirinamo, aia an kam mbuŋa wiwitreke, mina aŋgirena. Na an landamŋia mina mba gan tiacarpaikna landamŋiarta ramtair tambuŋa mba tikca mba aŋgiri. Na gan tiacarpaikna ramtair paŋaind tambuŋa mba tikca an landamŋia mba aŋgiri, ainta wiwitta anna mina top niŋgikna ndeacrena.

7 Wanaiŋ. An iro laŋapa landamŋi laŋa aku mboprenanna, anna Raraŋ Aetaniacna iŋgorocrina iro laŋapa landamŋi laŋ. Na anna ma iŋgoroca eacrenan. Na atua gan tiacarpaikca laru ŋgocor ndeacri, Raraŋ Aetaniaca aina i aniacmo aŋgica ŋgeprinan, na ma aimo larapacrina.

8 Na gan tiacarpaikna ramoot paŋan ianna lamŋi ŋgocor. Wanaiŋ. Na mina lamŋiri, co, kaina moca mina tamuŋna auŋna i aniacapna Kacootmo aŋgica ik nakeracatna?

9 Ri, aia an reikta kamma an ndopatna, na Raraŋ Aetaniacna timbigta kapca anna kammap eacrenanna anmo gaidoprina, “An reikca atua ramoot ianna wat ŋgocor, na anna kamma warac ŋgocor, na ramootna iro inik mbuŋa laru ŋgocor, na an reikca Raraŋ Aetaniaca kocroca maeacreke, na meikramtaira mana mataua matŋirenanna anna minan.”

---

2:6 1 Ko 1.28, na Epe 4.13, na Pil 3.15, na Ib 5.14      2:7 Ro  
16.25-26, na Epe 3.5, na 3.9, na Kol 1.26, na 2 Ti 1.9      2:8 Lk  
23.34, na In 7.48, na Up 13.27, na 2 Ko 3.14      2:9 Ais 64.4

<sup>10</sup> Na an reikta kamma mina inġoroca eacrena, na mana Neronġna aiġ ngoin mbuġa Raraġ Aetaniaca anmo aimo moa raek ndarurina. Na Neronġ Ratta reac, reacna nginaġa matau ngoinna orerena, na ma Raraġ Aetaniacna inġoroca eacrena iroar toca ma orerena.

<sup>11</sup> Na ramoot ian ma kabena ramootna iroa lamġina, minna wanaiġ. Na an ramootta mana neronġa ndo mana iro inik ndeacrena, man niġġikca ndo lamġirena. Na aintocna kirar mbuġa, ramoot ianna Raraġ Aetaniacna iro inikca mba lamġirenanna. Mana Neronġ niġġik ma ndo lamġirena.

<sup>12</sup> Na aia gan tiacarpaikna neronġa mba anġiri. Wanaiġ. Na aia Raraġ Aetaniacna Neronġ kiprenan anġirinan, na ma aimo Raraġ Aetaniacna toġġoca wanaiġa neanġrena reikmo muruġcamiġ ngoinna wat garacna moca.

<sup>13</sup> Na aia an toġġoca wanaiġa neanġrena reikta kamma an ndopca larurena. Na aina mboprena kamma ramootna landamġi mbuġa mba kipri. Wanaiġ. Neronġ Rat ngoinna ndo aimo riptica, aia an kam ndoprena.

<sup>14</sup> Na meacramoota Neronġ Ratta manap eac ngocor, ma Raraġ Aetaniacna Neronġna reikca ma mba anġiritndai, anmo ma gaimd ndamġinandet, an reikca anna reik najaar tiġġik. Na aia Neronġ Rat ndambuġa tikca anġirena reikca an meikramtaira Neronġ Ratta

---

**2:10** Mt 13.11, na 16.17, na In 14.26, na 1 Io 2.27      **2:11** ML 20.27, na Ier 17.9, na Ro 11.33-34      **2:12** In 16.13-14      **2:13** 1 Ko 1.17, na 2.4, na 2 Pi 1.16      **2:14** Mt 16.23, na In 8.47, na 14.17, na Ro 8.5-7, na 1 Ko 1.18, na 1.23

minap eac ngocor, mina mba lamñi garacit-ndai, an reikca anna minmo ñañoarta reik tiñgik, aintik meikramtaira Neron Ratapnan, mina ndori an reikmo ritri wat garacnande.

<sup>15</sup> Na meacramoota ma Neron Ratap, ma gaimda morena, ma an reikmo muruñcamiña ritrinande. Na ainda mona minna meacramoot ianna eac ngocor, ma an Neron Ratap eacrina meacramootna tipemb kirarira ritrina.

<sup>16</sup> Na Rarañ Aetaniacna timbigta kapna kamma gaimdoprina, “Mandaia ndo Kacootna iroara lamñirenanna, ma Kacootmo riptina min?” Na Karaisna iro aniac mananna aiap eacrena.

### 3

*Iesusna ritipaikta meikramtairta tumbunna aiña morena ramoot, anna Rarañ Aetaniacna aiña ramoot*

<sup>1</sup> Ainda moca ne Iesusa ripacrena laiplacar, ñgaua aku nenmo an kamma Neron Ratta ranğairena meikramtair ndoprena kamna kirara mba mbopitndai. Wanaiñ. Aku nemo mbopekna kamma anna aku tip kirar bagara ranğairena meikramtair ndoprena kamna kirara aku nenmo an kamna kirar mambopek. Na an min mbuña ne Karaisna tip kirarmo mombonik tekirta kirar toca morina.

<sup>2</sup> Na aku nemo mir neañambatna. Na aku nenmo amna reac gargara neañam ngocor, anna

---

**2:15** 1 Te 5.21, na 1 Io 2.20, na 4.1    **2:16** Iop 15.8, na Ais 40.13, na Ier 23.18, na In 15.15, na Ro 11.34    **3:1** In 16.12, na 1 Ko 2.14-15    **3:2** In 16.12, na Ib 5.12-14, na 1 Pi 2.2

gaind, ne amna reac amna minna mba tikreke, na mandeac toco, ne minna mba tikreke.

<sup>3</sup> Aintik ne iroar bagrarta kirarirmo gidikca ne anna rangairena. Na ne laiplacarmo iroar ŋgorikca aŋgica kaega morena, na an iroar ŋgorikta kirarirmo ne anap maeacreke. Na an kirarirmo ne mamoreke, na an kirarira anna ŋgauna nikinik iro bagarnan. Na anna tiacarpaikna meikramtairta tipemb kirarir minan.

<sup>4</sup> Na ramoot ian ma gaindop te, “Aku Polnan.” Na ramoot ian toco ma aindopnande, “Aku Apolosnan.” Na ne an tipna kirara moreke, ne tiacarpaikna meikramtair koinda ma laruca.\*

<sup>5</sup> Na ne matau lamŋi, Apolosa ma mandai ŋgoin ki? Na aku Pol, aku mandai ŋgoin? Na aŋga aiŋa morena ramootniŋ ningik. Na Kacoot, ma ndo aŋmo an aiŋ neaŋgatna, na ianmo an aiŋ neaŋgatna, na ian motocmo an aiŋ neaŋgatna, na aŋna an aiŋniŋ mbuŋa ne Karaisa ripacatna.

<sup>6</sup> Na aku wariŋna amna reac mamutocat. Na Apolos, ma manmo puk neaŋgabrena. Na Raraŋ Aetaniac ma mana amna reac moa larurena.

<sup>7</sup> Aintik ramootta amna reac mutocrenan, ma anna iremb kocor. Na ramootta puk neaŋgabrenan, ma toco iremb kocor. Wanaiŋ. Na Raraŋ Aetaniaca ma amna reac moa

---

**3:3** 1 Ko 1.10-11, na 11.18, na Gal 5.20-21, na Ie 3.16     **3:4** 1 Ko 1.12     \* **3:4** Apolosa ma kambta ramoot, na ma Raraŋ Aetaniacna timbigta kapmo matau ŋgoinna lamjirena.     **3:6** Up 18.4-11, na 18.24-28, na 19.1, na 1 Ko 1.30, na 2 Ko 3.5, na 10.14-15     **3:7** 2 Ko 12.11, na Gal 6.3

larurena, ma ndo kabea i aniacap.

<sup>8</sup> Na ramootta amna reac mutocrenan, na ramootta puk neanrenan, maniņa muruņniņa Raraņ Aetaniacna aiņa morena. Na maniņa kabe kabea ndoniņa morina aiņa makukna minna opoik anġinande.

<sup>9</sup> Na aņga Raraņ Aetaniacap aiņ kabea morena ramootniņ, na ne mana wariņa kirar.

*Iesusna ritipaikta meikramtairta tumbunna aiņa ramoot, ma muind mataua morena kirar*

Na ne Raraņ Aetaniacna Kacna kirar.

<sup>10</sup> Na Raraņ Aetaniacna kakadmaina opotac mbuņa, aku kac laņa mona landamņina muind laņ anġiatna, na aku kaca mona waut aniacmo outta tikca mbiraca mamairi. Na kabena ramootta aukna tikrina watur nambatmo kaca morena. Na meacramoot, kabe, kabea muruņa ndorita ņginanę mo, na mina morena an kacna kirara matau wat.

<sup>11</sup> Na ne lamņirena Raraņ Aetaniac, ma Iesus Karaismo kacna outna waut aniac toca tikrina. Na kabena ramootta kaca mona waut ianna an outna waut aniac nambatta kabena outna waut aniaca ianna mba mac tikitndai. Wanaiņ.

<sup>12</sup> Na an outna waut aniaca mina kaca an nambatta morenan, moca mina ndeida gol mbuņa mo nari, na ndeida silwa mbuņa mo nari, na ndeida kituknduk aniac mbuņ ņgoikrena waut mbuņa mo nari, na ndeida ik mbuņa mo nari,

---

**3:8** Ro 2.6, na Gal 6.4-5, na KIEK 22.12    **3:9** Mt 13.3-9, na Up 15.4, na 2 Ko 6.1, na Epe 2.20-22, na Ib 3.3-4, na 1 Pi 2.5    **3:10** Ro 15.20, na 1 Ko 4.15, na 15.10, na 1 Pi 4.11, na 2 Pi 3.15, na KIEK 21.14    **3:11** Ais 28.16, na Mt 16.18, na 2 Ko 11.4, na Gal 1.7, na 1 Pi 2.4-6

na ndeida ndaen mbuᅇa mo nari, na ndeida oek mbuᅇa mo nari.

<sup>13</sup> Na iᅇmbaia an meikramtairta morina kaikta aiᅇira muruᅇa larui waekenande, na Raraᅇ Aetaniacna ᅇganᅇgirina meikramtairta ritri waparacna ra mbuᅇa, ma tac toca wirnandet, na an taca meacramoot kabe, kabena morena aiᅇira towaia watnandet, an aiᅇira laᅇ, co, ᅇgoreac.

<sup>14</sup> Na ramoot ian ma an gol, co, silwa, co, kituknduk aniac mbuᅇa oikrina waut nambatta morina kaca taca wir ᅇgocor te, an aiᅇa morinan ramootta ma ndona opoik aᅇᅇinande.

<sup>15</sup> Na an aiᅇna ramoot, mana kaca taca kocnai wiruari te, an ramoot mana aiᅇ aniaca wanaiᅇ ndacarinande. Na an aiᅇna ramoot, ma mba topitndai, ma gaind toc ndeacnande, aia manmo tac iniknan aᅇᅇirina ramoot.

### *Ne Raraᅇ Aetaniacna Kac*

<sup>16</sup> Na ne Raraᅇ Aetaniacna Kac, na Neᅇroᅇ Ratta nena inkar ndeacrena, na ne anmo mba lamᅇire ki, a?

<sup>17</sup> Na ramoot ian, ma Raraᅇ Aetaniacna Kacmo moi ᅇgocrai te, Raraᅇ Aetaniaca an ramootmo mo ᅇgocrainande. Na anna gaind, anna Raraᅇ Aetaniacna Kac, an reacmo ma ndo ᅇgoin lara-pacrinan, an reaca anna manan. Na an Kaca ande, nen an meikramtair, ne mana Kac.

### *Aia meikramtairta imo kai aᅇᅇi ᅇgep teac*

---

**3:13** Lk 2.35, na 1 Ko 4.5, na 2 Te 1.7-10, na 1 Pi 1.7, na 4.12

**3:16** 1 Ko 6.19, na 2 Ko 6.16, na Epe 2.21-22, na Ib 3.6, na 1 Pi 2.5

18 Moca ne ndorimo ndorica paru nari. Na ɲarikca nena rikna ramoot ian, ma gan tiacarpaikna reikta landamɲi ndamɲica ma gaind točna iro aɲɣi te, “Aku landamɲi bagaraniac laɲna ramoot.” Na reac lacau ma ɲaɲaona ramoot pac laru te, iɲmbaia ma landamɲina ramoot ɲgoin ndarunande.

19 Na anna gaind, gan tiacarpaikna landamɲi laɲa anna Raraɲ Aetaniacna lamɲiacmo tip ɲaɲaona kirar ndeacrena, na Raraɲ Aetaniacna timbigta kapca gan kamma mbopca eacrena, “Meikramtaɪr ndeida mina iro landamɲi ani-acapnanna, mina kabena meikramtaɪra moi ɲgocraina iroar landamɲiar aɲɣirena, na Raraɲ Aetaniaca ma gainda morena, ma mina an tipemb kirarirmo minmo an mbuɲa mac nda te, mina ndorica moi ɲgocrainandet?”

20 Na Raraɲ Aetaniacna timbigta kap toco gaindopatna,

“Kacootta ma lamɲirena,  
landamɲiarta ramtaɪrta iroar inkarmo.

Na ma lamɲirena,  
mina mo ndopca lamɲirena reikca  
mina mo ndopca monandet,  
na mina mba laruitndai.”

21 Aintik ne an meikramtaɪrta i aɲɣira ɲgeprena tipna kirara ne tikcari. Na an reikca muruɲa anna nenan.

---

3:18 ML 3.7, na Ais 5.21      3:19 Iop 5.13, na 1 Ko 1.20, na 2.6

3:20 Nɲap 94.11      3:21 1 Ko 1.12, na 3.4-6, na 2 Ko 4.5, na 4.15



<sup>22</sup> Ainda moca Polapa, Apolosapa, Pitaapa, gan tiacarpaikapa, eteacna watapa, memen-acapa, mandeac ndeacrena reikapa, na inġmbai ndaruekna reikap, an reikca muruġcamiġa nenan.

<sup>23</sup> Na ne Karaisnan, na Karaisa ma Raraġ Aetaniacnan.

## 4

*Kacootta ma ndo ngoinna ndona aiġna ramootmo ritrirena*

<sup>1</sup> Na ne gaind ngoinna matau lamġi, aia Karaisna aiġna ramtair. Na aia Raraġ Aetaniacna inġgorocatna kambta matau raupġina aiġap.

<sup>2</sup> Na ramootta kabena ramootna aiġa raupġinan, ma ndona ramoot paġanna kam ngoin matau rangairena.

<sup>3</sup> Ainda moca ne aukna tipemb kirarirmo ritri ndop te, co, meikramtaira aukna tipemb kirarirmo ritri waparacna ra mbuġa tikca ritri te, anna reac tekernoc. Na auk toco ndona tipemb kirarira mba ritrirenanna.

<sup>4</sup> Na anna gidik, aku ndona tip ngoreac ianna lamġi ngocor, ainda moca mina gainda mba mbopitndai, "U ramoot wandorġ." Na aukmo ritri waparaca moca watna aiġa anna Kacootna aiġ niġgik.

---

**3:23** Ro 14.8, na 1 Ko 11.3, na 2 Ko 10.7, na Gal 3.29      **4:1** Lk 12.42, na 1 Ko 3.5, na 2 Ko 6.4, na Ta 1.7, na 1 Pi 4.10      **4:2** Lk 12.42      **4:4** Iop 9.2, na Nġap 143.2, na ML 21.2, na Ro 4.2

<sup>5</sup> Na ritri waparacna ra mba larureke, aintik ne kabena meikramtairta tipemb kirarirmo kai ritri teac. Na ne Kacootna ndabi, ma kipnande. Ma an neaup inikca ingoroa eacrena reikmo, ma muruŋ naaŋgica larui memetaca tiknande. Na ma meikramtairta iroar inkarmo moi waekenande. Na oit ianna Raraŋ Aetaniaca meikramtairmo muruŋcaminŋmo kabe kabena irembmo aŋgi ngepnandet.

*Korinnanda ndorita i aŋgira ngeprena*

<sup>6</sup> Na ne Iesusa ripacrena laiplacar, aku nena iroar inkarmo otacna moca, aında moca aku Apolos aŋna kamma an ndoprina. Na ne, aŋ ndamŋi te, nena tipemb kirarira wandoŋa mo, na Raraŋ Aetaniacna timbigta kapca mboprina kamna kirara raŋgai, na ne an kammo kai kunni werap teac. Aintik ne kai garuruca kabena ramoot ianna ia kai aŋgiri ngep teac, na kabena ramootna imo kai mo ngocrai teac.

<sup>7</sup> Aında moca u titoca moit? Na mandaia ndo unmo ramoot aniac ndaruna larapacatna? Na u mba Raraŋ Aetaniac ndambuŋa reac ianna mba aŋgirina ki, a? Na ŋarikca u gidikca Raraŋ Aetaniacna parna reikmo, u aŋgir mai te, na kaina moca u ndona i aŋgira ngeprena, na an reik u ndo moa larurina reik ki?

<sup>8</sup> Na anna laŋ, nenmo reik lainŋa min ngoinna tikrina. Na mandeaca ne reikca minna tikca ne laŋ ngoin ki, ndeacre ki? Na mandeaca ne aimo kunda gagrirta ramtairta paŋaindta kirar

---

**4:5** Ro 2.1, na 2.29, na 1 Ko 3.8, na 2 Ko 5.10, na KIEK 20.12    **4:6** Ro 12.3, na 1 Ko 1.12, na 3.4, na 3.21    **4:7** In 3.27, na Ro 12.6, na Ie 1.17, na 1 Pi 4.10    **4:8** KIEK 3.17, na 3.21

ki, ndeacre ki? Na ainda kari, aku tonjgorinanna ne gagrirta ramtair pañaind gidkar taru te, nena i toco gagrirta ramtair pañaind ndarua aia nenap eacna.

<sup>9</sup> Na wanaiñ ecte, aku gaind ndamñirina Rarañ Aetaniac, ma aimo up anjirena ramtairmo iñmbai ñgoinna tikrina. Na aia ramtairta kirar toc ndeacrena, na ritri waparaca aindoprina aia menacnande. Te, mina tonjgorinanna mina aimo meikramtair muruñna outapa mbaiñna aiña morena ñerñgaurta outta tikca mo menacna.

<sup>10</sup> Anna Karaisna i anjiri ñgepna, na aia ñañaona ramtair toc maeacreke. Na ne Karaisna tipemb kirarira lamñirena landamñina ramtairta kirar. Na aia ndori gagnar kocor, na ne witikca gagnarina. Na aia ndori iremb kocor, na ne ndori iremb anikap.

<sup>11</sup> Na ñgau ñgoinna tikca kipca mandeacna min, aia nik wataica eacrena, na aia puk amna logotta gagaraca eacrena, na aia tik ñgapaoc urpembtan aoca eacrena. Na mina aimo pia ñgocrairena, na aina matau mbiraca eacna taupemb kocor.

<sup>12</sup> Na aia ndorita pair puñga aiñ aniac ñgoinna morena. Na mina aimo komea mboprena, na aia Rarañ Aetaniacmo min ñgotacna digirena. Na mina aimo moa ñgocrairena, na aia ndorita upemb mikca an makukar anjirena.

---

**4:9** Ro 8.36, na 1 Ko 15.30-31, na 2 Ko 6.9, na Ib 10.33    **4:10** Up 26.24, na 1 Ko 1.18, na 3.18    **4:11** Up 23.2, na Ro 8.35, na 2 Ko 11.23-27, na Pil 4.12    **4:12** Ñap 109.28, na Mt 5.44, na Up 18.3, na 1 Ko 9.14-15, na 1 Te 2.9, na 2 Te 3.8, na 1 Ti 4.10

13 Na mina aimo kam tipemb ŋgorik koind toprena, na aia minmo kamb lainj tiŋgik ndoprena, na aimo ŋaŋawitna kirar toca moca meikramtaira aŋgica kecaririna. Na meikramtairta lamnikca watreke, aia reac kokot ŋgoreacna kirar ndeacrena. Na aia aind ndeaca kipca mandeacna min.

*Pola tonjorinanna Korinnanda mana tipemb kirarira ranjai*

14 Na aku an kam tirrinanna, nenmo moi numbira mo nake, mba mori. Wanaij. Aku tiratnanna gaind, ne aukna mombonik tik, aku nenmo matŋia nenmo nena iroara moi piarna.

15 Mindacniŋ ramtair wit ŋgoinna nenmo Karaisna tipemb kirarir raupŋi te, na ne ater wit kocor. Na Karais Iesus mbuŋa ne aukna mombonik taruatna, na an minna aku nenmo kam wembaŋ laŋ wiwitiatna.

16 Aintik aku nenmo moi ŋgepca nenmo ndona tipemb kirarira watca ranjaina moca.

17 Na an miniŋna moca aku Timotimo, nen ndambuŋa mandaca kipatna. Na man tikca, ma aukna moonuocna kirar, na ma Kacootna aiŋmo mataua raupŋirena. Aintik aku manmo matŋirena. Na ma ndo nena iroar inkarmo moi ŋgepnande, an tipemb kirarira aku Karais Iesusap miŋna moca, na an tipemb kirarir punja aku Iesusa riŋpacrina auŋembta tumnambmo an mimitpac neaŋrena, minmo anna ranjaina moca.

---

**4:13** KN 3.45      **4:15** Up 18.11, na Gal 4.19, na Ie 1.18      **4:16** 1 Ko 11.1, na Pil 3.17, na 1 Te 1.6, na 2 Te 3.9      **4:17** Up 19.22, na Pil 2.19-22

18 Na nena ndeida gaimd ndamɲinandet, aku mba mac kipca nenmo mba mac watitndai, na nena ndeida ɲgepca tamtamma garururena.

19 Aında kari, anna Kacootna reac ma ndo toɲgo te, aku nenmo rambuɲ tiki kipnande. Na aku kipekna minna, aku mba an garururena meikramtairta kamb mbarac nake mba kipri. Wanaiɲ. Aku kipca mina an gargar aniacna ɲgorenande, mina titocna gargarap?

20 Na Raraɲ Aetaniacna bubuoca, anna kam ndondopna reac wanaiɲ. Wanaiɲ. Anna gargarapna reac.

21 Na ne toɲgorinanna, aku nenmo titocna kirara tiki moit? Na ne toɲgorinanna, aku ndona monac tipap kipca nenmo an mbuɲa wandoɲait, ki? Co, ne toɲgorinanna, aku ndona mamatɲia nena neaɲca, nenmo kakadmaina iro wetwetap kipit?

**Ne ripacrina meikramtaira ne  
ndorita nikinik ndarurena  
tipemb kirarir ɲgorikmo, moi  
wandoɲai**

**5**

(5—6)

*Meacramootna kaɲtertaapa morena tip kirara Korinnaɲgepta rikca eacrenan*

1 Na aku waracri, mina gaimda ninirina, meacramootna kaɲtertaapna tip kirar ianna

---

**4:19** Up 18.21, na 19.21, na 1 Ko 16.5, na 2 Ko 1.15, na 1.23, na Ib 6.3    **4:20** 1 Ko 2.4, na 1 Te 1.5    **5:1** TN 18.7-8, na TW 22.30, na 27.20, na Epe 5.3

nena rikca larurina, na an tipna kirara ripac ngocora raekca wanaij ndeacrena meikramtaira an tipmo mo ngocor. Na an tipna kirara gaind, ramoot ianna ndona aetna meacap aoca ngorena.

<sup>2</sup> Na ne ndorimo laiḡ ndopca kunda tamuḡ ki ndeacraḡ ndopat ki, a? Na ne warac, ne anna moca mba kadmairena, ne kocnaia garururina. Na ne warac an tip kirar ngoreaca morina ramootmo, ne mo kecari, na ma nenap kai eac teac.

<sup>3</sup> Na anna gidik, aku ndo nenmo tawan ngoin maeacreke, na aukna ɲeroḡa ma nenap maeacreke. Na anna aku nenap eacrena kirar, na aku an ramootna kirarira ritri watrina, ma an tipna kirara morina.

<sup>4</sup> Aintik aku gaindopatna, aina Kacoot Iesusna i mbuḡa, ne tumbunna anna ngutiḡ. Na aina Kacoot Iesusna gargar mbuḡa, aukna ɲeroḡ toco nenap eacnande.

<sup>5</sup> Na aia an ramootmo Ramoot Mbikna para tik te, mana tikca ngocrainande. Na aia aında mo te, Kacootna Ra mbuḡa, Raraḡ Aetaniaca an ramootna ɲeroḡmo ma mac nda aḡḡinandet.

*Ne Korinnanda an tip kirar ngoreaca moekna ramootmo mo kecari*

<sup>6</sup> Na ne ndorita irembca aḡḡira ɲgepca garururenan, anna tip kirar laḡa wanaiḡ. Na titoca moca? Na ne gainda lamḡi ngocor, is teker motemma tapacarmo moi aniac ndarunande.

---

5:3 Kol 2.5    5:4 Mt 16.19, na 18.18, na In 20.23, na 2 Ko 13.10  
 5:5 Up 26.18, na 1 Ti 1.20, na 1 Pi 4.6    5:6 1 Ko 3.21, na 15.33,  
 na Gal 5.9, na Ie 4.16

7 Aintik ne an is bagarmo anğiri kecarı, te, ne tapac ɳgamna kirara laruca isap mba eac-itndai. Na aku lamɳirena, ne isar kocorta tapacna kirar ndarurina. Na anna gaind, mina Karaismo ğimbamba moatna, na ma Sipsipna kirara aia manmo an Pasowana Rana ndamɳica man mbuɳa ğimbamba moatna.\*

8 Aintik an meikramtaira an Ra Aniacna kocrorena kirara, aia ndeida watmo aind nakocro te. Na aia ndorita eteacna watna tip ɳgorikmo kocnai mo kecarica, an meikramtaira ndorita kaikta is bagar kecarica an Ra Aniacna ɳgobacrena kirarna kocrona. Na aia ndorita nikemb iroar inkarmo moi rat laɳ ndaruca mbopna kammo kam gidik ndop te, an kirar anna is kocorta tapac ɳgamna kirar.

9 Na an timbiɳ rapara aku nenmo outta tiratnanna, aku gaindopatna, “Ne an meac, co, ramootta, meacramootna kaɳtertaapna tip kirara morena meikramtairap kai miɳ teac.”

10 Na aku nenmo gaimda mba mbopatke, nenmo gan tiacarpaikna meacramootna kaɳtertaapna tip kirara morena meikramtairmo kocnai tikcari nake mba mbopri, na meikramtair ndeidmo kabena meikramtairta reicka watca matɳia makimrenan, na meikramtaira an mirpembrarainɳta dawara mbendeirena

---

5:7 NA 12.5, na 12.21, na 13.7, na Ais 53.7, na In 1.29, na 1 Pi 1.19, na KIEK 5.6, na 5.12 \* 5:7 **Pasowana Ra:** Matiu sapta 26 wes 2na inicka wat. An kam tip kirar kabe toco an ndeacrena.

5:8 TW 16.3, na Mt 16.6, na 16.12, na Lk 12.1 5:9 Mt 18.17, na 2 Ko 6.14, na Epe 5.11, na 2 Te 3.14 5:10 In 17.15, na 1 Ko 1.20, na 10.27

tumbunnanmo tikcarina. Wanaij. Na ne ndorimo aintocna meikramtairmo gidikca tikcarina ndop te, laj, ne gan tiacarpaik motocmo kocnai tikcari.

<sup>11</sup> Na an kamna minij ngoinna moca aku tiratnanna anna gaid, narikca ramoot ianna ne manmo Iesusa ripacrena laiplacarta ian ndop te, na ma meacramootna kantertaapna tipca morenan, co, ma kabena meikramtairta reikca matjirenan, co, ma peperenan, co, ma mirpembrarajta dawara mbendeirena, co, ma puk gargara amba njanorenan, co, ma kabena ramootna reik makimrenan, ne manmo iukai. Na ne toca ainta ramootap kai am teac.

<sup>12</sup> Na kaica? Na aku an raekmbaina meikramtairta tipemb kirarirmo ritri waparaca mona aiñap moit ki? Wanaij ngoin. Na an Iesusna ritipaikta meikramtairta tumbunna inikna meikramtairmo, ritri waparacna aiña, anna nenan ngoin.

<sup>13</sup> Na raekmbai ndeacrena meikramtair, Rarañ Aetaniac ma ndo mina tipemb kirarirmo ritri-nandet. Na Rarañ Aetaniacna timbigta kapna kamma gaidopatna, “Ne an nena rik ndeacrena ramoot ngoreacmo, mo kecari.”

## 6

*Ne ripacrena laiplacara ne Iesusna tumbun kabena meikramtairmo an ritri waparacna taipca kai tik teac*

---

**5:11** Mt 18.17, na Ro 16.17, na 2 Te 3.6, na Ta 3.10, na 2 Io 1.10

**5:12** Mk 4.11, na 1 Ko 6.1-4, na Kol 4.5, na 1 Te 4.12, na 1 Ti 3.7

**5:13** TW 13.5, na 17.7, na 21.21, na 22.21-24



<sup>1</sup> Na nena rikna ianna ma nena ianmo kam makukap te, ñarikca ma Rarañ Aetaniacna meikramtairmo, ma werapca ma tañi ripac ñgocorta meikramtair tambuñña tikca mina manmo ritri waparaca monandet? Na ma ainda morina tipna kirarna numbira mba moit ki, a?

<sup>2</sup> Na ñarikca ne gaimda mba lamñiri, aia Rarañ Aetaniacna meikramtair, aia ndori gan tiacarpaikna meikramtairmo, minmo muruñcamuñmo mina ritri waparaca monande? Na ñarikca aia ainda mo te, na titoca moca ne an kam tekemmotemna baraburuara nena rik ndeacrenanmo, ne anna ritri waparacmo, mo ñgocor?

<sup>3</sup> Na ne mba lamñirenan ki? Aia mbaiñña aiña morena ñeroñmo ritri waparaca monandet? Na aia ainda mo te, aia gan tiacarpaikna reikta ritri waparacna kam ndopna min.

<sup>4</sup> Aintik kam makuk ianna nenmo nena rik ndaru te, kaina moca ne an kammo ritri waparacna aiñmo an Iesusa ripac ñgocorta ramtairmo an aiñ neañña?

<sup>5</sup> Na aku an kamma mbopatnanna, anna nenmo moi numbira mona moca. Na titoca moca? Nena rikna ramoot ianna ma landamñi lañap eacre, co, ma an Iesusa ripacrena laiplacarta rikna kamma ma ritri waparaca mo mbe?

<sup>6</sup> Na kaina moca Iesusa ripacrena laiplacarta ianna ndona ianmo ritri waparaca mona naangica tanğatna, manmo an Karaisa ripac ñgocorta meikramtairta lamnikca tikca mana

ritri waparaca moatna?

<sup>7</sup> Na anna gidik, ne Iesusa ripacrena tumbunna meikramtair ndeidmo ritri waparaca morena taup naangirca taņrena. Na nena an tipembta kirarira ndori nenmo wandacrena, ne Karaisna tipemb kirarirmo ne mambutukri, na mana kirarirmo ne mba ranġaiapeke. Na kaina moca, ne minmo watcarica mina nenmo makukara kabecaitta moran ġgocor? Na kaina moca, ne minmo mba watcarica mina nenmo paruca nena reikmo kabecait naangiran ġgocor?

<sup>8</sup> Na ne an tipemb kirarir lainmo ranġaina karirinan. Wanaij. Ne ndori koinda ndeidmo moa ġgocraireke, na parua mina reik wit angirena. Na ne aında morenanna, ne ndorita Iesusa ripacrena laiplacar koinda moa ġgocrairena.

<sup>9</sup> Na meikramtaira tipemb ġgorikca morenan, Raran Aetaniaca minmo mba wattacarica mina mana bubuocna inikca mba mbukitndai. Na kaica ne anna lamņi ġgocor, a? Moca ne ndorita iroar inkarmo paru nari. Na meacramootna kanġertaapna tip kirara morenan, na meikramtaira an mirpembrarainġa dawara mbendeirenan, na lanġanġoita meacramootna tip ġgadudukna tip kirara morenan, na ramtaira numbira morena tipemb kirarirmo kabena ramtairap morenan,

<sup>10</sup> na an makimrena meikramtair, na an meikramtaira kabena meikramtairta reikmo

---

**6:7** Mt 5.39, na ML 20.22, na Lk 6.29, na Ro 12.17-19, na 1 Te 5.15, na 1 Pi 3.9    **6:9** Gal 5.19-21, na Epe 5.5, na 1 Ti 1.9, na Ib 12.14, na KIEK 22.15

watca matņirenan, na an meikramtaira puk gargara amba ņaņaorenan, na ianna meikramtairmo pepererenan, na an meikramtairta reikmo tamtam naaņģirenan, na aida morena meikramtaira mina muruņcamiņa Raraņ Aetaniacna bubuocna inikmo mba mbukitndai.

<sup>11</sup> Na ņgaua nena meikramtair ndeida an meikramtairta kirar toc ndeacrinan. Na Raraņ Aetaniaca nenmo rurinan, na nenmo moa rat ndarurina. Ri, ne iremb wandoik maaņģiat. Na Kacoot Iesus Karaisna iapa Raraņ Aetaniacna ņeron Ratna gargar ņgoin mbuņa, Raraņ Aetaniaca ma nenmo moi wandoņaica, ne mana lamniacmo meikramtair wandoik malaruri.

*Aina tikca anna ņeron Ratna kac*

<sup>12</sup> Na meikramtair ndeid mina gaidoprena, “Reikca muruņa wandik kocor, na aku mo niņģik.” Na an kamma anna gidik, na reik ndeida mina una eteac laņana opotacmo mba moitndai. Na an reikca anna muruņa wandik kocor, na aku monande. Na aku reac ianmo kai watcarica ma aukmo mba raupņitndai.

<sup>13</sup> Na meikramtair ndeida gaidoprena, “Amna reac anna nikinikca moca minna tikrena, na nikinikca anna amna reac aņģirena.” Na an kamma anna gidik, na aku gaidopnandet, Raraņ Aetaniac, ma aintocna amta reikmo ma aina tikembap mo kecarinande. Na aina tikembca anna meacramootna kaņtertaapna tip

---

**6:11** Epe 2.2, na Kol 3.7, na Ta 3.3-7, na Ib 10.22    **6:12** 1 Ko 10.23    **6:13** Ro 14.17, na 1 Ko 6.15, na 15.19-20, na Kol 2.22-23, na 1 Te 4.3-7

kirar ngoreaca mona reaca wanaiŋ. Wanaiŋ ngoin. Na tikca anna Kacootnan. Na Kacootta ma tiknan.

<sup>14</sup> Na mana gargar ngoin mbuŋa Raraŋ Aetaniac, ma Kacootmo mukca tikca moa ngepatna, ma ai motocmo moi ngepnande.

<sup>15</sup> Na ne mba lamŋire ki, a? Na nena tikca anna Karaisna tikemb umbumbur. Na ainda mo te, aku Karaisna tikna waŋgor ndeid angica meacramootna kaŋtertaapna meacna tik waŋa moi laru te, an tipna kirara anna laŋ ki, wanaiŋ?

<sup>16</sup> Na ramootta ma meacramootna kaŋtertaapna tip kirara morena meacmo mikrenan, ma manap tik kabe mamori, na ne anna mba lamŋirenan ki, a? Na Raraŋ Aetaniacna timbigta kapca gaindoprina, “Maniŋa tik kabe ndarunande.”

<sup>17</sup> Na ŋarikca ramootta Kacootap mik te, ma ŋeron mbuŋa ma manap kabea tiknande.

<sup>18</sup> Na memetmbaca ne meacramootna kaŋtertaapna tip kirarmo iukaica tawan ndeac. Na tipemb ŋgorikta makukar ndeida meikramtaira morenan, anna tikmo raekmbaia morena. Na ramootta meacramootna kaŋtertaapna tip kirara morenan, ma ndona tikmo tip ngoreacna makuk mbuŋa moa ngocrairena.

<sup>19</sup> Na kaica ne anmo gaimda mba lamŋiri, nena

---

**6:14** Ro 6.5, na 6.8, na 8.11, na 1 Ko 15.20, na 2 Ko 4.14, na Epe 1.19-20    **6:15** Ro 12.5, na 1 Ko 12.27, na Epe 4.12, na 4.16, na 5.30    **6:16** RL 2.24, na Mt 19.5, na Epe 5.31    **6:17** In 17.21-23, na Ro 8.9-11, na Epe 4.4    **6:18** Ro 1.24, na 6.12-13, na 1 Te 4.3, na Ib 13.4    **6:19** Ro 14.7-8, na 1 Ko 3.16, na 2 Ko 6.16

tikca anna Neronj Ratna Kac. Na Raranj Aetaniac ma nenmo Neronj Ratta neanğatna, na anna nena iroar inkar maeacreke. Na nena tikca, ne anna aetta wanaij?

<sup>20</sup> Wanaij. Raranj Aetaniaca ma nenmo kituknduk bagaraniac ngoin mbuñ mac nda oikatna. Aintik ne an reik wiñ aniacmo ndorita tik mbuñja morenanna, an reikmo ne moca Raranj Aetaniacna i anğira ngeprenan.

## **Pol ma lanğangona tipna kirarna kam ndopatna**

### 7

(7.1-40)

*Pol ma lanğangona tipna kirarna kam ndopatna*

<sup>1</sup> Na ne timbiñ rapara tirca mbopatna kamma, mandeaca aku an mac nda rutinande. Na ramootta lanğo ngocor ndeacrenan, anna lanğ.

<sup>2</sup> Na meacramootna kanğtertaapna tip kirara anduna larua acnaica macariri, aintik ramoot kabe, kabea muruñcamiñ ngoinna ndorita meik lanğoca eac, na meac kabe, kabea muruñcamiñ ngoinna ndorita kanğte lanğoca eac.

<sup>3</sup> Na tik ramootnan anna meacnan, na ramootta kai kirac teac. Na an iro kabea, tik meacnan anna ramootnan, na meac toco kai kirac teac.

<sup>4</sup> Na meaca ma ndona tikca mba raupñirenan. Wanaij. Mana kanğaitta ndo anna

---

**6:20** 1 Ko 7.23, na Gal 3.13, na Pil 1.20, na Ib 9.12, na 1 Pi 1.18-19

**7:1** 1 Ko 7.8, na 7.26    **7:3** NA 21.10, na 1 Pi 3.7

raupņirenan. Na an iro kabea mana kaņgaitta ndona tikmo mba raupņirenan. Wanaiņ. Mana meac ndo anna raupņirena.

<sup>5</sup> Na oņgo laņgo te, oņna ianna ndona tikca kai kiraca ianmo iņa kai neaņ teac. Na gidik oņgo iro kabe aņgi te, oņgo ndoniņa tikmo wandik emtem pac neaņ. Na oņgo mbembendei niņgikna aiņa mo, an tipna kirara anna laņ. Na anna iņmbai, oņgo ndoniņa tikniņmo mac aņgiri tumbunna tik. Na ņarikca ne ndorita tikna toņtoņna ņginaiņa mo ņgocor te, Ramoot Mbikca nenmo towainande.

<sup>6</sup> Na an kamma aku mbopatnanna, anna nenmo tip wandikna kirara mba mori, anna nen niņgik ņgotacnandet.

<sup>7</sup> Na aku toņgorinanna, meikramtair muruņcamiņa auk eacrena kirar toca meik kocor ndeacna min. Na Raraņ Aetaniac ma meikramtairmo muruņcamiņmo mina kabe, kabemo ndona toņtoņna reacmo wanaiņa ramoot kabe, kabemo neaņrena. Na Raraņ Aetaniac ma ndona ramoot ianmo toņtoņna aintocna reac laņ neaņrena, na ramoot ian motocmo ma ndona toņtoņna aintocna reac laņ neaņrena.

<sup>8</sup> Na an meikramtair mina laņgo ņgocortan, na an meik koinmbara, mina wanaiņ ndeacrenan, aku gaindopnande. Na mina auk eacrena kirara, laņgo ņgocor anna laņ.

<sup>9</sup> Na ņarikca mina ndorita tikna toņtoņmo ņaņari raupņi ņgocor ņgoin ndacari te, aintan

ecte, minmo watcarica mina lanjo. Moca mina iroar ngepca meacramootna tip kirar ngadudukca mo nari.

<sup>10</sup> Na an meikramtaira langoca mairinanna, aku minmo gan kam tip gargar neannde. Na an kam tip gargarna kirara anna auknan ngoinna wanaij. Anna Kacootna kam tip gargar manan. Na an tip wandikca gaind, meaca ma ndona kanjaitmo kai tikcari teac.

<sup>11</sup> Na ma ndona kanjaitmo kai kari teac, na kai oot mandac teac, na ma kai mac lanjo teac, ma wanaij ndeac. Na wanaij ecte, ma nikinik iro lanj angica ma mac nda tanca ndona kanjaitap eac. Na kanjait ma toco ndona meacmo kai tikcari teac.

<sup>12</sup> Na aku ndo kabenandmo kammapp. Na an kamma anna Kacootnanna, wanaij. Na aku gaindopnande, narikca Iesusa ripacrena laiplacarta ianna ma Karaisa ripac ngocorta meac langoca eac te. Na narikca an meac, ma manap eacna tonjonap, ma manmo an nake kai oot mandac teac.

<sup>13</sup> Na narikca meac ian ma lanjo te, na mana kanjaitta Iesusmo ripac ngocor, na an ramootta ma manap eacna tonjonap, ma an meacmo ma manmo kai oot mandac teac.

<sup>14</sup> Na ne lamjirena, ramootta ripac ngocor, ma ndona meacap mikca eacrena, na an tip kirar mbunja ramootta ma rat ndarurina. Na meaca ripac ngocor, na ma an kakaap mikrinan, an meac ma rat ndarurina. Na anna wanaij

ecte, nena mombonikca mina aind ndeacnande, mina Raraŋ Aetaniacna lamniacmo ratta mba laruitndai. Na mandeaca mina rat malaruri.

<sup>15</sup> Na ŋarikca ramoot, co, meaca ma Iesusmo ripac ŋgocor, na ma ŋgepca ndona meac, co, ramootmo tikcari te, anna laŋ, ma manmo andu watcari. Na aintocna kirara laruek, ma an ramoot, co, ma an meaca Karaisa ripacrinanna, anna ma ndona meacap, co, ramootap mba mikca eacrenanna, wanaiŋ. Ma manmo watcarica ma taŋ, na anna moca Raraŋ Aetaniaca nenmo kabena meikramtairapmo eteac laŋ ndeacna ŋgacatna.

<sup>16</sup> Na u meac u min, u ndona kaŋgaitmo otaca ma Karaisa ripacit, co wanaiŋ, u anna mba lamŋjireke? Na u kaŋgait u toco u min, u ndona meacmo otaca ma Karaisa ripacit, co wanaiŋ, u toco anna mba lamŋjireke?

*Aimo Raraŋ Aetaniaca aintocna eteacna watca morinan, aia an wat mbuŋ ndeacrena*

<sup>17</sup> Na aina kabe, kabea an titocna eteacna watta Kacootta ma aimo morinan, na neaŋrinan niŋgikca aia an ndeacraŋ. Na titocna eteacna watta aia an ndeacri, na Raraŋ Aetaniac ma aimo acatna, an watnan niŋgikca raŋgairan. Na aku an Iesusna ritipaikta meikramtairta tumbunmo muruŋa an kam tip gargarmo riptirenan.

<sup>18</sup> Na mina ramoot ianna tikiŋitmo ŋgaua kat-aca eac te, na Raraŋ Aetaniac ma manmo ac te, ma ndona tikmo kai mac moi wandoŋai teac, na an reikca mina mana morinanmo, ma kai aŋgiri



ingoroc teac. Na ɲarikca ramoot ianna mana tikiɲita katac ɲgocor ndeacrenanna, Raraɲ Aetaniaca manmo ac te, laɲ watcari ma ndona tikiɲita kai katac teac.

<sup>19</sup> Na tikiɲit katacrena tipna kirara anna mana miniɲ ɲgocor. Na ramootta tikiɲit katac ɲgocorta tip kirara, an toca anna mana miniɲ ɲgocor. Na Raraɲ Aetaniacna tipna kirara ranɲairenanna, ande anna ndo reac gidik ɲgoin.

<sup>20</sup> Na aia titocna eteacna watap eacri, na Raraɲ Aetaniac aimo acatna, aia an wat niɲgik mbuɲa eacraɲ.

<sup>21</sup> ɲarikca u tuomna aiɲ kamainda momona ramoot, co, tuomna aiɲ kamainda momona meac ndeac te, na Raraɲ Aetaniaca ma unmo ac te? Na u an nake, iro inikca kai makuku teac. Na taup ianna unmo tuomna aiɲ kamaindna ramootta mo laru ɲgocor te, anna laɲ, u towai an taup ndiɲ pac ranɲai taɲ.

<sup>22</sup> Na ramootta ma outta ma tuomna aiɲ kamainda momona aiɲna ramoot ndeacri, na Raraɲ Aetaniaca manmo acatna, mandeaca ma Kacootnan mamori, na ma Kacootna lamniacmo ma tuomna aiɲ kamainda momona ramootta wanaiɲ. Na aind niɲgik, ramootta wanaiɲ ndeacri, na Raraɲ Aetaniaca manmo acatnan. Mandeaca ma Karaisna tuomna aiɲ kamainda monande.

<sup>23</sup> Na Raraɲ Aetaniaca ma nen mac nda oikna moca opoik bagaraniac ɲgoinna moatna, aintik

---

**7:19** In 15.14, na Ro 2.25, na Gal 5.6, na 6.15  
Gal 5.13, na Epe 6.6, na Pm 1.16, na 1 Pi 2.16  
na 1 Pi 1.18-19

**7:22** In 8.36, na  
**7:23** 1 Ko 6.20,

ne kabena ramootna tuomna aiŋ kamainda kai mo teac.

<sup>24</sup> Na ne Iesusa ripacrena laiplacar, aia titocna eteacna watap eacri, na Raraŋ Aetaniaca ma aina ŋgacatna, an eteacna wat mbuŋa aia Raraŋ Aetaniacap eacraŋ.

*Pol ma an lanŋo ŋgocorta meacramootmo ma minmo kam emtem ndopnande*

<sup>25</sup> Ainda moca aku an lanŋo ŋgocorta meacramootmo kam gargar ianna Kacootta aukmo mba neaŋri, na aku ndona iro mbuŋa tikca larurina, anna gaird Raraŋ Aetaniac ma aukmo kadmaia otaca, ma aukmo moa aŋgira kammo kam gidik niŋgik ndopna ramoot ndaru-atna.

<sup>26</sup> Na gan minna mandeaca aintocna makukar anikca ma larureke, aintik ne muruŋcamiŋa ne ndori eacrena kirarira ne aind niŋgik ndeacraŋ.

<sup>27</sup> Na u meac lanŋoca eacraŋ te, u manmo tikcarina taupembtake, kai ore teac. Na u lanŋo ŋgocor ndeac te, laŋ u meac aŋgina iroa kai mo teac.

<sup>28</sup> Na ŋarikca u meac lanŋo te, u tip ŋgoreacna makukca mba mori. Na ŋarikca meac ŋgam ianna lanŋo te, ma tip ŋgoreacna makukca mba mori. Na meikapa ramtaira lanŋo te, mina eteacna wat minanna, mina makukar anik mbukraŋnande, na aku tonŋo ŋgocor, nenmo an makukar laru nari.

---

**7:25** 1 Ko 7.6, na 7.10, na 7.40, na 2 Ko 8.8-10, na 1 Ti 1.12-13, na 1.16    **7:28** 1 Ko 7.38

<sup>29</sup> Aintik ne Iesusa ripacrena laiplacar, aku gaindopnande, an oitna minna maica kipca ram-bunaia macariri. Aintik an kidrik tekemmotem eacrenan, ne meikap eacrena ramtair, ne ndorimo meik kocorna kirar toc ndeac.

<sup>30</sup> Na ne meikramtaira aerenan, ne ndorimo ae ngocorta meikramtairta kirar toc ndeac. Na meikramtaira tongoca wereirenan, ne ndorimo an tongoca werei ngocorta meikramtaira eacrena kirar toc ndeac. Na ne meikramtaira reik ngoikrenanna, ne ndorimo reik kocortan eacrena kirar toc ndeac.

<sup>31</sup> Na ne meikramtaira gan tiacarpaikna reik mbuņa aiņa morenan, ne aintocna aiņa kirar ndeac, anna reac teker nena eteacna watapna min. Na aia lamņirena, rocotta mba tikitndai, gan tiacarpaikapa mana reikap muruņa topnande.

<sup>32</sup> Aintik aku mba tongori, gan tiacarpaikna iroarta kakadmaica nena iroarmo tamtamma wiņa. Na ramootta lanġo ngocor, ma Karaisna tipemb kirarirta moca anna ndamņirenan, ma ndomo an Karaisna tongorena tipemb kirarira mona moca.

<sup>33</sup> Na ramootta lanġo te, ma gan tiacarpaikna reikta moca ma tamtam ndamņiranande. Na mana morena kirara mana meacna tonġon mbuņa ranġairenan.

<sup>34</sup> Aintik ma iro mbuniņ maangiat. Na mombour ŋgaibapa an meik ndeida lanġo ngocortan, mina iroara Kacootna tipemb kirarirta moca tamtam pac lamņirena. Na mina

---

**7:29** Ro 13.11    **7:31** Ņap 39.6, na Ie 1.10, na 4.14, na 1 Pi 1.24, na 1 Io 2.17    **7:34** Lk 10.40

Raraŋ Aetaniacmo ndorita tikembmo muruŋa mana neaŋca mina ratar laiŋ tarunande. Na mina ndorita ɲerɲgaur motocap neaŋnandet. Na meac laŋtango, ma gan tiacarpaikna reikta moca ma tamtamma lamɲiraŋnande. Na mana toŋgoca mona tip kirara mana kaŋgaitna toŋtoŋa raŋgainandet.

<sup>35</sup> Na aku an kam ndoprinanna, anna nenmo otaca nenmo eteac laŋ ndeacna moca. Anna nenmo mba kiracri. Wanaiŋ. Na aku toŋgorinanna, ne tipemb kirarir gidicka raŋgairan, te, Kacootna aiŋ niŋgikmo memetmbaca moran. Na aku mba toŋgori, ɲarikca reac ianna nena iroarmo tamtamma moi ɲgetriki nari.

<sup>36</sup> ɲarikca ramoot ianna ma gaind ndamɲi nari, meac ɲgam ian mina aukmo babuca eacrenanna, aku manmo tip ɲgoreaca morina, na ma meac aemma mbirac te, na an ramootna toŋtoŋa anna gargar ɲgoin, na ma taup ian nake wat tambacari te, ma ndona toŋtoŋa raŋgaica an meacmo laŋgo te. Anna ma, tip ɲgoreacna makukca mba mori.

<sup>37</sup> Na ɲarikca ramoot ianna ma ndona iro inik mbuŋa moa gagraca eacrenan, reac ianna manmo mba timndacitndai, na ma ndona toŋtoŋmo raupɲina min, na ɲarikca ma ndona an iromo moi gagraca, an meac ɲgamma mina man laŋgona baburinanmo ma manmo kari te. Anna laŋ maniŋa kai laŋgo teac. Maniŋa wanaiŋ niŋgik ndeac. Na an tipna kirar anna laŋ.

<sup>38</sup> Aintik ramootta mina mana baburina meac ɲgamma ma an laŋgo te, ma manmo tip kirar

laŋa morina. Na ramootta mina man laŋgona baburina meac ŋgam laŋgona kari te, anna ma tip laŋ ŋgoinna morena.

<sup>39</sup> Na meac ianna mana kaŋgaitta menac ŋgocor ndeac te, ma an ramootap eacraŋnandet. Na ŋarikca mana kaŋgaitta menac te, an meaca manap mba mac miŋitndai. Aintik ma ramoot ian laŋgo ndop te, anna laŋ, ma an ramoot laŋgo. Na ma laŋgo ndop te, ma Kacootta ripacrena ramoot ianna laŋgo.

<sup>40</sup> Na anmo aku ndo gaimd ndamŋirena, ma laŋgo ŋgocor te, ma tonŋon laŋ niŋgik ndeacraŋnandet. Aintik aku lamŋirena, Raraŋ Aetaniacna Ŋeroŋ Ratta ma aukap eacreke, aku an kam ndopapekna.

## **Mina mirpembraraŋta dawarta outta tikca gimbamba morina ŋgoaebca ammit ki co wanaiŋ**

### **8**

*(8.1—11.1)*

*Mina mirpembraraŋta dawarta outta tikca gimbamba morina ŋgoaebta kam*

<sup>1</sup> Na mandeaca aku ŋgoaebca mina mirpembraraŋta dawarta outta tikca ambrena kirarna kamma an ndopnande. Na meikramtair ndeid mina gaimdoprena, “Aia muruŋa lamŋirena.” An kamma anna gidik. Na landamŋi mbuŋa, anna garura moa larurena,

---

**7:39** Ro 7.2-3, na 2 Ko 6.14    **7:40** 1 Ko 7.25, na 1 Te 4.8    **8:1** Up 15.20, na 15.29, na Ro 14.3, na 14.10, na 14.14, na 1 Ko 10.19

na kabena meikramtairmo mamatjia morena tip kirara, anna kabena meikramtairta ritipaikca moa gagrarena.

<sup>2</sup> Na ramoot ianna ma gaind ndamjina min, ma reac ianna ma matau ngoin ndamjirena, na aind ndamjiekna ramoot, mana landamji minna mba tikreke.

<sup>3</sup> Na njarikca ramoot ianna ma ndona matnjimo Raraŋ Aetaniacmo neaŋ te, Raraŋ Aetaniac ma manmo lamjinandet.

<sup>4</sup> Ainda moca an mirpembraraŋta dawarta outta tikrena ngoaebca meikramtaira ambrena tipna kirara, aku anna kammo gaindopnande. Aia lamjirena, gan tiacarpaikna mirpembraraŋta dawara anna reac gidikca wanaiŋ. Na kabena Raraŋ Aetaniac ianna mac eac ngocor. Wanaiŋ. Anna Raraŋ Aetaniac kabe niŋgikca ma ndo eacrena.

<sup>5</sup> Na anna gidik, reik wit anikmo mina, “Mirpembraraŋ ngacrena,” na reik wit anikmo mina, “Kacoot ngacrena.” Na an, “Mirpembraraŋga,” mina riac tamuŋ ndeacrenan, na gan tiacarpaik ndeacrena.

<sup>6</sup> Na aina Aet, Raraŋ Aetaniac ma ndo kabe niŋgikca maeacreke, na ma ndo ma Raraŋ Aetaniac. Na ma ndo ma an reik muruŋna miniŋ, na aia mana meikramtair koind tarurina. Na aia Kacoot kabe niŋgik ianap, anna Iesus Karais. Na ma ndo mbuŋa ma reac, reaca morina ramoot,

---

**8:2** 1 Ko 13.8-9, na 13.12, na Gal 6.3, na 1 Ti 6.4    **8:3** Nau 1.7, na Mt 7.23, na Gal 4.9    **8:4** TW 4.35, na 4.39, na 6.4, na Ais 41.24, na 1 Ko 10.19, na Gal 4.8, na Epe 4.6, na 1 Ti 2.5    **8:6** Mal 2.10, na In 1.3, na Up 17.28, na Ro 11.36, na 1 Ko 12.6, na Epe 4.5-6, na Pil 2.11

na man mbuᅇa aia an reik puᅇga ndorita eteacna watmo an mbuᅇ ᅇgotacreke, eacrena.

<sup>7</sup> Na Iesusa ripacrena laiplacar ndeida mina an reikmo mina anmo lamᅇi ᅇgocor. Na mina ndeida ᅇgepca ᅇgauna miᅇpembraraᅇᅇta dawara mbendeirena tipemb kirarira ranᅇairena. Aintik mina an amna ᅇgoaem am te, mina lamᅇi ᅇgocor tik, mina ambrena, aintik mina aind ndamᅇiatna, aia tip laᅇa mba moapeke.

<sup>8</sup> Na anna gidik, amna reaca ma aimo Raraᅇ Aetaniac ndambuᅇa mba aᅇᅇiri taᅇitndai. Na aia am ᅇgocor ndacari te, anna aimo Raraᅇ Aetaniacna lamᅇiacmo ᅇgoreaca mba moitndai. Na aia am te, an toco aimo Raraᅇ Aetaniacna lamᅇiacmo mba moi laᅇa mba laruitndai.

<sup>9</sup> Na ne ndorimo matau wat. Na ne gaind ᅇgoinna matau lamᅇi. Ne titocna amta reikca toᅇgoca ambrena reik, an reik tiᅇᅇik am. Na ᅇarikca nena morena an tipemb kirarira meikramtaᅇrta iroar landamᅇiar minanna ᅇᅇari lamᅇi ᅇgocor, anna ndo moca mina tipemb ᅇgorikta makukarta ᅇgiriknari.

<sup>10</sup> Na u ramootta landamᅇiap, na u taᅇca an punica miᅇpembraraᅇᅇta dawara mbendeirena kaca mbukca u mbiraca am te, na ramoot ianna ma anna iroa ᅇᅇari lamᅇi ᅇgocor. Na ma unmo wat te, moca an una morina tipna kirara mana iromo moi ᅇgepca ma toco, an miᅇpembraraᅇᅇta dawarta outta tikrena amna reacmo am nari.

<sup>11</sup> Na an tipna kirar mbuᅇa, una an lan-

damñia an ñañari ripac ñgocorta ramootna landamñimo moi ñgocrainande, an kaka Karaisa mana moca menacrina.

<sup>12</sup> Na ne warac, Iesusa ripacrena laiplacar ndeida mina iroara ñañari lamñi garac ñgocor. Na ne minmo an tip ñgoreacna makukca morinanna, anna mina iro landamñi mbuñja ne mina ritipaca mo ñgocrairi, na anna ma gargar kocor, na ne Karaisap tip ñgoreacna makukca morinan.

<sup>13</sup> Aintik ñarikca amna reaca ndo aukna Iesusa ripacrena laiplacarta ianmo moca mina tip ñgoreacna makukca irik te, aku mandeacna minna tikca amta ñgoaebmo mba mac amitndai tañi aukna memenac. Na moca aku ndona Iesusa ripacrena laiplacarta ianmo moca mina tip ñgoreacna makukca irik nari.

## 9

*Pola up anğirena ramtairta aiñirta kam ndoprena*

<sup>1</sup> Na ne aukna tipna kirara wat. Na reac ianna aukmo kiracre ki? Wanaiñ ñgoin. Na aku titocna tipna kirara mona lamñi te, aku mona min. Na aku up anğirena ramtairta ramoot ian, co wanaiñ? Na aku aina Kacoot Iesusmo watrinan, co wanaiñ? Na aku Kacootna aiña moca ne aukna aiñ mbuñja ripacatnan, co wanaiñ?

<sup>2</sup> Na meikramtair ndeida mina gaind ndamñirina, aku up anğirena ramootta wanaiñ.

---

**8:13** Ro 14.21, na 2 Ko 11.29    **9:1** Up 9.3, na 9.15-17, na 18.9, na 26.16, na 1 Ko 15.8, na 2 Ko 12.12, na Gal 2.7-8    **9:2** 2 Ko 3.2-3



Na ne laruca ripaca mamairi, na nen mbuḅa anna ndo aukmo aında wandacrina, aku Kacootna up aḅgirena ramoot gidik.

<sup>3</sup> Na meikramtair ndeida mina aukna tipemb kirarira ritrireke, na aku mina kambmo gaḅ kam mbuḅa nda rutirina.

<sup>4</sup> Na kaica aia up aḅgirena ramtairmo gairinda momoa anna laḅ ki, wanaiḅ? Aia pukapa amna reacmo an mbuḅa ndorita aiḅna opoik aḅgirenanna, anna laḅ ki, wanaiḅ?

<sup>5</sup> Na aia ripacrena meik laḅgoca minap aḅgica ndada te, anna laḅ ki, wanaiḅ? An tipna kirara aina up aḅgirena ramtair ndeidapa Kacootna laiplacarapa, Pitaap, mina morenan.

<sup>6</sup> Na kaica Banambas aḅga ndoniḅ niḅgikca, ndoniḅ ḅgotacna kitukndukna aiḅna morena, na ndeida wanaiḅ, a?

<sup>7</sup> Na mandai ndo lapocna runduikta aiḅna mo te, ma ndona aiḅna reikmo ndo mbuḅa oikit? Na mandaia ndona wariḅna moi mutoc maica, ma an wariḅna amna reac ianna mba aḅgiritndai? Na mandaia ndona sipsipar wiram maica, ma ndo ḅgoinna ma an sipsiparta mirna puk emtemma aḅgircā am ḅgocor?

<sup>8</sup> Moca ne gairid ndamḅi nari, aku meikramtairta iroar tiḅgikca raḅgaica an kamma morena, wanaiḅ. Tip Wandik toco an kam kabea mboprina.

<sup>9</sup> Na Mosesna Tip Wandikna inikca tirca eacrena kamma, gairidopatna, “Ne bulmakaona

---

**9:4** Lk 10.8, na 1 Ko 9.13-14    **9:7** TW 20.6, na 2 Ko 10.4, na 1 Ti 1.18, na 1 Pi 5.2    **9:9** TW 25.4, na 1 Ti 5.18

upa kai tamaia leac teac, an minna ma kopur lourta lape tupaina aiņa morenan.” Anna Raraņ Aetaniaca ma bulmakaorta lamņica mbopatna kam ki? Wanaiņ.

<sup>10</sup> Anna gidik ma aina ndamņica ma mbopatna. An kamma anna ainan, aintik Raraņ Aetaniac ma aimo gaind tocna kirara mona moca morena. Na an ramootta tiacarpaik ņgodca wariņa morenan, na ramootta kopur lourapa aintocna reikta lape tupairenan, anna maniņa lamņirena, maniņa an amna reacna emtemma aņņinande.\*

<sup>11</sup> Na aia nenmo ņeroņna reik laiņmo, nena rikca mutocrina, aintik ne aimo tik ņgotacna reikmo ne aimo neaņ, na anna laņ ki, co wanaiņ? Na anna gaind, aia ndori mutocrina reac ņgoinna gagam aņņirinan.

<sup>12</sup> Na ne ndori laņ ndop te, kabena meikramtaira nen ndambuņ, ndeacrena reik aņņi te, anna laņ. Na ne ndori laņ ndopca aimo nena reikmo neaņna toņtoņap, na ne aimo neaņ te, anna laņ ņgoin.

Na an reikca aia nen ndambuņa tikca aņņina min ņgoin, na aia mba aņņireke. Aintik aia makukar wit anik aņņinande. Na aia mba aņņireke, ainda moca aia Karaisna kam wembaņ laņna taup wawara nari.

---

**9:10** 2 Ti 2.6 \* **9:10** U 1 Timoti sapta 5 wes 18na inicka wat, an kam kabe toco an ndeacrena, na anna gaind, ramootta aiņa mo te, ma ndona opoikca aņņinande. **9:11** Ro 15.27, na Gal 6.6

**9:12** Up 20.33-35, na 1 Ko 9.15, na 9.18, na 13.7, na 2 Ko 11.7-9, na 11.12

13 Na ramtaira Raraŋ Aetaniacna Kacna aiŋa morenan, mina Raraŋ Aetaniacna Kacna amna reac aŋgirena. Na ramtaira gimbamna amna reik aŋgina aiŋa morenan, mina an meikramtaira gimbamba morena gimbamna ŋgoaebta ŋgoaeb tipemb aŋgirena. Na ne anna mba lamŋire, ki, a?

14 Aintocna kamna kirar ŋgoinna, Kacootta aimo gaidopatna, meikramtaira kam wembaŋ laŋ aŋgirenana, mina an kam wembaŋ laŋ wiwitirena meikramtairmo otacna. Tik ŋgotacrena reik aŋgica minmo neaŋ.

15 Na auk ŋgoin, aku mba an Kacootta aukmo mo ndoprina kirara aku mba morenanna. Na mandeac toco, aku nen ndambuŋna reac aŋginake, timbiŋ rapara mba tirrina. Wanaiŋ ŋgoin. Na aku ndo menac te. Na aku ndo morena an tipembta kirarirta tonŋton ŋgoinna morina. Aintik aku karirina ramoot ianna aina an tipemb kirarirmo kai mo ŋgocrai teac, anna aku tonŋorena.

16 Na aku kam wembaŋ laŋ wiwitina mo te, aku ndona imo mba aŋgi ŋgepca gaima mba mbopitndai, aku tip kirar laŋa morinan. Wanaiŋ. An kam wembaŋ laŋ wiwitirena aiŋa, Kacootta aukmo neaŋrinan, aku monandet. Na aku an aiŋa mba tikcariitndai. Na aku kam wembaŋ laŋmo wiwiti ŋgocor te, aku laŋa mba eacitndai.

---

9:13 TN 6.16, na 6.26, na Ndu 18.8, na 18.31, na TW 10.9, na 18.1

9:14 Mt 10.10, na Lk 10.7, na Gal 6.6, na 1 Ti 5.17      9:15 Up 18.3, na 20.34, na 2 Ko 11.10, na 1 Te 2.9      9:16 Ier 20.9

17 Na aku an wiwitna aiŋmo ndona toŋtoŋ mbuŋa wanaiŋa mo te, Kacootta aukmo opoikca neaŋnandet. Na anna aku ndona toŋtoŋ mbuŋa an aiŋa mba mori, anna Raraŋ Aetaniac, ma ndo aukmo ripaca aukmo larapaca, an wiwitina aiŋa aukmo neaŋrinan, na aku monande.

18 Aintik aku titocna opoik aŋgirit? Na an kam wembaŋ laŋ wiwitina aiŋ mbuŋa aku an reikca aŋgina min ŋgoin, anna aku mba aŋgirenanna. Na aku kam wembaŋ laŋa meikramtairmo wanaiŋa wiwitirenanna toŋgorena. Na an toŋtoŋ aniac aku aŋgirenanna, anna ande aukna opoik.

*Pola meikramtair muruŋna tuomna aiŋ kamaindna aiŋa momona ramoot ndeacrina*

19 Na aku wanaiŋ ndeacri, aku ramoot ianna tuomna aiŋ kamaindna aiŋa mba mori. Aku ndo toŋgocat tik, aku meikramtair muruŋcaminŋna tuomna aiŋ kamainda morena ramoot ndaruatna, ndomo meikramtair wit aniac aŋgica minmo aŋgiri kipca Karaisna wiwitna inikca mbukna moca.

20 Aintik aku Iudanandap eecatna minna, aku Iudananta tip kirara raŋgaica minap eacrina, te, ndomo Iudanandmo aŋgica Karaisna wiwitta mbukna moca. Na aku ndo, aku Tip Wandikna kaŋgaukca mba eacri, na Tip Wandikna kaŋgauk ndeacrena meikramtairta lamnikca, aku ndomo an Tip Wandikna kaŋgaukca

---

**9:17** 1 Ko 3.8, na 3.14, na 4.1, na Gal 2.7, na Kol 1.25    **9:18** 1 Ko 7.31, na 10.33, na 2 Ko 4.5    **9:19** Mt 18.15, na 20.26-27, na Gal 5.13, na 1 Pi 3.1    **9:20** Up 16.3, na 18.18, na 21.20-26

eacrena ramootna kirar, te, aku an Tip Wandikna kaŋgauk ndeacrena meikramtair mac nda aŋgina.

<sup>21</sup> Na meikramtairta lamnikmo mandaibinna Tip Wandikna kaŋgaukca eac ngocortan, auk toco an Tip Wandikna kaŋgaukca eac ngocorta ramootna kirar. Ainda moca aku an meikramtaira an Tip Wandikna kaŋgaukca eac ngocortanna aŋgina. Na anna aku Raraŋ Aetaniacna Tip Wandikca mba tikcariri, wanaiŋ. Aku Karaisna tip wandikca maraŋgaireke.

<sup>22</sup> Na an ritipaik gagarar kocorta meikramtairta lamnikmo, aku toco an ritipac gargar ngocorta ramootna kirar toca eacrena, te, aku aintocna meikramtair mac aŋgina. Na anna gaind, aku ndomo taupemb witta towai oreo mina ndeid mac nda aŋgica Karaisna wiwitta mbukna moca.

<sup>23</sup> Na aku an aiŋirmo muruŋcamiŋ ngoinna morenan, te, an kam wembaŋ laŋmo Iesusnanmo moi gagarana, na auk toco aku an reikca aŋgina, na Kacootta an reikca kocrorina meikramtaira kam wembaŋ laŋa ripacrenanmo neaŋnandet.

### *Aia wakikica ootca opoik aŋgina*

<sup>24</sup> Na ne anna mba lamŋirena ki, a? Na meikramtaira muruŋcamiŋa ndorimo katum ngootrenanna, anna ramoot kabe ma ndo opoik aŋginande. Aintik nen toco muruŋcamiŋa gagraa ootca, an opoik aŋgina.

---

**9:21** Ro 2.12-14, na 1 Ko 7.22, na Gal 2.3, na 3.2, na 5.13 **9:22** Ro 11.14, na 15.1, na 1 Ko 10.33, na 2 Ko 11.29 **9:24** Gal 5.7, na Pil 2.16, na 3.14, na 2 Ti 4.7, na Ib 12.1

<sup>25</sup> Na meikramtaira muruŋcamiŋa ndorimo katum ŋgootca outta tikna morenan, mina ndorita tikna toŋtoŋgarmo muruŋcamiŋa mo irik te, aiŋ gargara moca an opoik laŋna reac aŋgina. Na an opoik laŋna reac mina aŋgirenan, iŋmbaia mina ŋgocrainandet. Na aia ndorimo aŋgina morena opoikna reik laiŋga, mina mba ŋgocrairenanna.

<sup>26</sup> Aintik aku ndomo aida morina, an ramootta ootna wakikirenanna, ma tamtamma mba watrenanna. Na aku ruŋrena werpera matau morena ramootna kirar, na aukna para rauri te, mba katrenan.

<sup>27</sup> Wanaiŋ. Na aku ndona tikmo pi ŋgoinna pica manmo moa aŋgia ma aukna toŋtoŋa ranŋairena. Na moca aku kabena meikramtairmo kam wembaŋ laŋ wiwitirenan, na iŋmbai aku ndona moca an opoikca aŋgi ŋgocor ndacari nari.

## 10

### *Moca aia totowaia mbutuk nari*

<sup>1</sup> Na ne Iesusa ripacrena laiplacar, aku toŋgorinanna ne gaind ŋgoinna matau lamŋi, an Mosesna min mbuŋa. Aina nicar ŋgamrira muruŋcamiŋa dimirpaikna kaŋgauk ndeacri, Raraŋ Aetaniaca wattacarica ma minmo taup wandaca taŋrina. Na mina taŋga macait laup kataca embaina waŋ nagacatna.

---

**9:25** Epe 6.12, na Pil 3.14, na 2 Ti 2.4-5, na 4.8, na Ie 1.12, na 1 Pi 1.4, na 5.4, na KIEK 2.10    **9:27** Ro 6.18-19, na 8.13, na 13.14, na 2 Ko 13.5-6, na Kol 3.5    **10:1** NA 13.21-22, na 14.22-29, na Ndu 9.18, na Nei 9.12, na Nŋap 78.13

<sup>2</sup> Na anna gaind, mina muruŋcamiŋa an dimirpaikapa macait mbuŋa kitac puk aŋgirina, na an kitac puk mbuŋa minmo larapacrina, na mina Mosesna wiwit malaruri.

<sup>3</sup> Na mina muruŋcamiŋa an amna reacpaŋan kabea Raraŋ Aetaniacna Ŋeroŋ Rat neaŋgatnanna, mina an ambatna.

<sup>4</sup> Na mina muruŋcamiŋa an Raraŋ Aetaniacna Ŋeroŋ Rat neaŋgatna puk ambatna. Na anna gidik, mina an Ŋeroŋ Ratna wautna puk ambatna, na ma minap taŋrena. Na an wautta anna Karais ŋgoin.

<sup>5</sup> Na Raraŋ Aetaniac, ma mina meikramtair witna tipemb kirarira ma mba toŋgori. Aintik mina an ramtair kocorta taupca tikca menacatna, na mina warirmo anna tamtam nakecamacariat.

<sup>6</sup> Na an reikca muruŋcamiŋa an ŋgagatracna kirara larurina, na aimo anna watrapaca an reik ŋgorikca aia anna kai toŋgo teac, na an tip kirar ŋgoreaca mina morenanna kai mo teac.

<sup>7</sup> Na meikramtaira an mirpembaraiŋta dawarmo kai mbendei teac, na an mina ndeid morena kirara. Na Raraŋ Aetaniacna timbigta kapca gaindoprina, "Mina amna reacapa puk gargara amba ŋaŋaorenan, na iŋmbaia mina meikap wereinandet."

<sup>8</sup> Na aia meacramootna kaŋtertaapna tip ki-

---

**10:3** NA 16.35, na Nei 9.15, na 9.20, na Ŋap 78.24    **10:4** Ŋap 78.15    **10:5** Ndu 14.16, na 14.29-30, na Ŋap 106.26, na Ib 3.17, na Iu 1.5    **10:6** Ndu 11.4, na 11.34, na Ŋap 106.14, na 1 Ko 10.11    **10:7** NA 32.6, na 1 Ko 10.14    **10:8** Ndu 25.1-18, na Ŋap 106.29, na KIEK 2.14

rara kai mo teac, na an kirara mina ndeida ainda moca ra kabe ŋgoinna 23,000na minna topatna.

<sup>9</sup> Na aia Karais motocmo kai towai teac, mina ndeida ainda moca wica menacrena nduipca minmo wica mina menacatna.

<sup>10</sup> Na ne Raraŋ Aetaniacmo kekelamunna kai ke teac, mina meikramtair ndeida ainda moatke, ramoota moa menacrena mbaiŋna aiŋa morena ŋeroŋa kipca minmo moa menacatna.

<sup>11</sup> Na an reikca minmo laruatnanna, anna ŋgagatracna kirar toca wandacrina, te, meikramtairmo, watna moca. Na Raraŋ Aetaniacna timbigta kapna nininiar tirrina ramtaira, anna mina aimo mandeacna min ndeacrena meikramtairmo iroar neaŋrina, gan tiacarpaikna mamamaia maica kipca marambuŋairi.

<sup>12</sup> Aintik ŋarikca ramoot ianna ma gaind ndamŋirena, ma matau witik gagranande, anna laŋ ma ndona moca matau wat. Moca ma tip ŋgoreacna makukna irik nari.

<sup>13</sup> Na an totowaiara nenmo larurenanna, anna kabena totowaiar ŋgaibca, wanaiŋ. Na an totowaiara anna meikramtairmo muruŋcamiŋ ndarurena totowair. Na Raraŋ Aetaniac, ma ndona kammo raŋgairena, na ma nenmo mba watcarica totowai ianna nenmo mba laruca nena gargarmo kunda tamuŋmbaia mba eacitndai.

---

**10:9** NA 17.2, na 17.7, na Ndu 21.5-6, na TW 6.16    **10:10** NA 16.2, na Ndu 14.2, na 14.29, na 14.37, na 16.41-49, na 1 Nin 21.15, na Ib 3.11, na 3.17    **10:11** Ro 15.4, na 1 Ko 10.6, na Pil 4.5, na Ib 10.25, na 10.37, na 1 Pi 4.7, na 1 Io 2.18    **10:13** Ier 29.11, na 1 Ko 1.9, na 2 Pi 2.9



Wanaiņ. Na totowaia nenmo laru te, Raraņ Aetaniac ma nenmo otacna taupca ma monandet. Na an taupca gaind. Ne anna raņgai te, ma nenmo moca ne witiki gaganande, na an totowaia nenmo mba mac moi irikitndai.

*Aia Raraņ Aetaniaca raņgai te, aia ņeronņ goreacmo kai raņgai teac*

<sup>14</sup> Aintik ne aukna aikor koind, ne an mirpembraraiņta dawarta mbendeirena tipemb kirarir tarica iukaica tawan ndeac.

<sup>15</sup> Na ne landamņiap, aintik aku nenmo gaindopnande, ne gan aku mboprena kambmo ndori puņga ritri.

<sup>16</sup> Na aia Raraņ Aetaniacmo kam laņ neaņrena kaba, aia an mbuņa puk am te, ma aimo Karaisna racaindpaik mbuņa aņģira punirena. Na an tapaca aia witkica ambrena. Anna aimo aņģira kipca Karaisna tikap mikrena.

<sup>17</sup> Na an tapac kabe niņģik, aia meikramtaira muruņcamiņa an tapac kabe niņģikca an ambrena, aintik aia meikramtaira muruņcamiņa tik kabe ndarunande.

<sup>18</sup> Na Israelnanņepta tipembta kirarirmo ne lamņirena. Mina an gimbamba morena taupca tikrena amta ņgoaebca mina an ambrena, na anna ndo minmo aņģira punica Raraņ Aetaniacap tumbunna tikrina.

<sup>19</sup> Na ņarikca ne gaind ndamņi nari aku gaindopatna, an raekmbai ndeacrena meikramtaira

---

**10:14** 2 Ko 6.17, na 1 Io 5.21    **10:16** Mt 26.26-28, na Mk 14.22-24, na Lk 22.19-20, na Up 2.42, na 2.46    **10:17** Ro 12.5, na 1 Ko 12.27, na Epe 4.16    **10:18** TN 7.6, na 7.15    **10:19** 1 Ko 8.4

mirpembrarainṭa dawarmo gimbambara morenanna, anna reac gidik, aku aında mba mbopri, an mirpembrarainṭa dawara anna reik gidkara, wanaiṅ.

<sup>20</sup> Aku gaindoprina. An reikca anna raekmbainan morenan, anna, “Mina ṅerṅgaur ṅgorikta morena. Mina Raraṅ Aetaniac gidikmo mba mori.” Na aku tonḡo ṅgocor nenmo an ṅerṅgaur ṅgoricap tumbunna tikna.

<sup>21</sup> Na ne Kacootna kab mbuṅa mba mac amitndai, na ṅerṅgaur ṅgorikta kab motocmo, ne mba amitndai. Na ne Kacootna ambrena bara mba mac tikca amitndai, na ṅerṅgaurta ambrena bar motocmo, ne mba mac tikca amitndai.

<sup>22</sup> Na anna ne Kacootmo moi nikkatta aimo kaega mo nake more ki, a? Na aina gargara mana gargarmo kunda tamuṅ ndeacre ki, a?

*Memetmbaca aia Raraṅ Aetaniacna imo tamuṅ naaṅgiri ṅgepraṅ*

<sup>23</sup> Na meikramtair ndeida aindopatna, “Reikca anna muruṅa wandik kocor.” Aında moca an reikca mina muruṅa aimo mba otacitndai. Na mina gaind mac mbopatna, “Na an reikca anna muruṅa wandik kocor.” Aında moca an reikca muruṅa aina ritipaikmo mba moca gagraenan.

<sup>24</sup> Na aia ndori ṅgopotacna iroara kai aṅḡi teac. Wanaiṅ. Na aia kabenan kotacna iro landamṅi aṅḡi.

---

**10:20** TW 32.17, na ṅap 106.37, na KIEK 9.20    **10:21** TW 32.38, na 2 Ko 6.15-16    **10:22** TW 32.21, na Esi 22.14    **10:23** 1 Ko 6.12    **10:24** Ro 15.1-2, na 1 Ko 13.5, na Pil 2.4, na 2.21

<sup>25</sup> Na ŋgoaeb budirapa reikca mina mbik tikca oikrena taupca tikrenanna, anna ne am. Na nena iroar inkara kai tamtami ndamɲica ndada digi teac, anna ten ndiɲa kiprinan. Wanaiɲ.

<sup>26</sup> Na aia lamɲirena, “Gan tiacarpaik nambatta eacrena reikca anna muruɲa Kacootnan niɲgik.”

<sup>27</sup> Na gan toco, ramoot ianna Iesusmo ripac ŋgocor te, na ma ndomo manap anna moca nenmo digica, ne taɲ ndop te, anna laɲ. Na ma nenmo neaɲgekna amta reikca ne aɲgica am. Na ne iroar inkara kai ndada nake lamɲica, tamtamma kai digi teac.

<sup>28</sup> Na ɲarikca moca ramoot ianna ma eaca nenmo gaindop te, “An ŋgoaemma mina miriprararɲa dana outta tikrina.” Te, ne an ndori ndoprina ramootna kam an ndamɲica, ne kai am teac, moca ne mana nikinik iroa mo ŋgocrai nari.

<sup>29</sup> Na aku nena iroar inkara moi ŋgocraina moca mba mbopatke, aku kabena ramoot ianna ndamɲica mbopatna, ɲarikca ma ndona nikinik iroa raɲgaica aindopnande, ne tip ŋgoreaca morina.

Na ɲarikca ramoot ianna ainta kamma mbop ŋgocor, anna aku ndona tongorena reikmo aku am niɲgik. Na kaina moca aku anduna an kabena ramootna nikinik iroa raɲgaica an reikmo wandik tikrenanmo aukmo anna mo narica?

<sup>30</sup> Na aku Raraɲ Aetaniacmo kam laɲ

neanjarica aku am te, kaina moca kabena ramootta aukmo peperena kamb ngorik toprena, na an reikmo aku Raraŋ Aetaniacmo kam laŋ neanrina?

<sup>31</sup> Aintik narikca ne amta reikapa puik ambrenan, co, ne kabena reaca morenan, ne an morena reikca anna Raraŋ Aetaniacna i aniac anŋira ngeprena.

<sup>32</sup> Na ne Iudanana, Giriknana, Raraŋ Aetaniacna Iesusna ritipaikta meikramtairta tumbunan ndamŋi, na ne kai an kirarira mina moi irikna minna reikca kai moca mina tip ngoreacna makukca mo nari.

<sup>33</sup> Na auk toco, aku morena reik wit aniac, na anna min, meikramtairmo moi tongoca mina aukna morena tipemb kirarira tongonande. Na aku mba ndo ngotac nake, mba moreke. Na aku kabena meikramtair ngotaca Raraŋ Aetaniacmo min mac nda anŋina moca.

## 11

<sup>1</sup> Na ne aukna kirara ranŋaica auk taŋrena kirara taŋraŋ, na auk toco aku Karaisna kirara ranŋaica taŋrena.

### **Pol ma Neroŋ Ratapa mbembendeina kam ndoprena**

(11.2—14.40)

*Pola paŋan kitacna tipna kirarna kam ndoprina*

---

**10:31** Kol 3.17, na 1 Pi 4.11      **10:32** Ro 14.13, na 1 Ko 8.13, na 2 Ko 6.3, na 1 Ti 3.5      **10:33** Ro 15.2, na 1 Ko 9.20-22, na 10.24  
**11:1** 1 Ko 4.16, na Epe 5.1, na Pil 3.17, na 2 Te 3.9

<sup>2</sup> Na memetmbaca ne aukna ndamñireke, na an kambca aku angica nena neangatnanna, ne an kambca matau utingga nenap eacrena. Aintik aku gaindopnande, ne tip kirar laj ngoinna morena.

<sup>3</sup> Na aku tonjgorinanna, ne kabena kam tocmo lamñi, outmbai ndeacrena ramtairta muruñna ramoot pañanna anna Karais, na meikta pañanmbai ndeteacna ramoot pañanna, anna mana kanğait. Na Karaisna pañanmbai ndeacrena ramootta, anna Rarañ Aetaniac.

<sup>4</sup> Nañaricka ramootta ndona pañan kitaca mbendei te, co, ramma morena kammo wiwiti te, an ramootta ma ndona ramoot pañanmo moa numbira morenan, na anna ma Karais.

<sup>5</sup> Na ñaricka meac ianna ma ndona pañanmo kitac ngocor, na ma mbendei te, co, ramma morena kam wiwiti te, an toco ma ndona ramoot pañanmo moa numbira morena, na anna gaind toca kirar, meac mbitaca ndona pañanna lakoarmo kocnaia kataca uta kecaririna.

<sup>6</sup> Na meac mbitaca ndona lakoarpaika tamaia ngocor, na ma ndona lakoarpaikmo kataci matpi. Na meac mbitaca ndona lakoarmo kataci matpi te, ut kecarari narica numbira mo te, laj ma ndona pañanmo tamai.

<sup>7</sup> Na ramootta ma ndona pañanna kai tamai teac, ma ngagatracna kirar toc ndeacreke, te, ma Rarañ Aetaniacna i aniac wandacreke, na mana gargar aniac wandacrena. Na meacmbitac ma ramootna i aniacapa gargar aniacap wan-

---

**11:3** RL 3.16, na 1 Ko 3.23, na 15.27-28, na Epe 5.23, na 1 Pi 3.1, na 3.5-6     **11:7** RL 1.26-27, na Ie 3.9

dacrena.

<sup>8</sup> Na Raraŋ Aetaniac, ma meac mbitacna tik mbuŋa ramootmo mba moatke, wanaiŋ. Ma meac mbitacmo ramootna tik mbuŋa moatna.

<sup>9</sup> Na Raraŋ Aetaniac, ma meacmbitac nake mba lamŋica, ma ramootmo man ŋgotac nake mba mori. Wanaiŋ. Ma meac mbitacmo ma ramootna opotaca mona ndamŋica ma meac mbitaca moatna.

<sup>10</sup> Aintik meacmbitac ma ndona paŋannan tamaia an mbuŋa ndona ŋgagatracmo wandacrena, ma Raraŋ Aetaniacna aiŋna meac. Te, mbaiŋna aiŋa morena ŋerŋgaur anna watna moca.

<sup>11</sup> Na Kacootna wiwit ndeacrenanna, an meikpitikca mina ndori puŋga mba eacrenanna, na ramtairpitik toco mina ndori puŋga mba eacrenanna. Wanaiŋ. Meikpitikca ramtair ŋgotacna eacrena, na ramtaira meikpitik ŋgotacna eacrenan.

<sup>12</sup> Na out ŋgoinna Raraŋ Aetaniaca ma meac mbitacmo ramootna tik mbuŋa moatna. Na mandeaca ramootta meac mbitacna tik mbuŋa ramoot ndarurena. Na Raraŋ Aetaniac ma ndo ma reikta miniŋ.

<sup>13</sup> Na ne ndori puŋga gan kamma ritri. Ŋarikca meac mbitaca paŋannan tamaia ŋgocor, na ma Raraŋ Aetaniacmo mbendeirenanna, anna tiŋ kirar laŋ ki, wanaiŋ?

<sup>14</sup> Na aina meacramootna tiŋ kirar ŋgoinna, ndo nenmo ainda wandacrina, ramootna lakoara

rocot ndeacrenanna, anna manmo laņa mba mbuk tiki watitndait.

<sup>15</sup> Na meac mbitacna lakoara rocot ndeacrenanna, anna mana lamboi laņ. Aintik Raraņ Aetaniaca manmo lakoar rocot neaņgatna, manmo an mbuņa ndona paņan wawarana moca.

<sup>16</sup> Na ramootta aukna kammo mac nda ipuņi mbop te, anmo ma gaind ņgoinna matau lamņi, aia kabena tipembta kirarirmo mba raņgairenanna, na Raraņ Aetaniacna Iesusna ritipaikta meikramtairta tumnamb toco, mina kabena tipna kirar ian ņgocor.

*Na Korinnanda mina Kacootna amna reacmo tip kirar laņa mba mori*

<sup>17</sup> Ainda moca mandeaca aku nenmo tipemb kirarir ndeidta kamb top te, ne anna raņgai. Na an reac aku mbopna morenanna, aku nena morena tipna kirarna moca aku mba toņgoca mboprenanna. Wanaiņ. Na ne Iesusa ripacrena laiplacar aņgica tumbunna tik te, ne tipemb kirarir laiņa mba wandacrenanna. Wanaiņ. Na ne tipemb kirarir laiņa mba morenanna.

<sup>18</sup> Na out ņgoin, aku gaind pac mbopnande, aku kamma gainda waracatna, na ne Iesusa ripacrena laiplacara, ndorimo tumbunna tikca Kacootna kam mbaracna punirenanna, ne ndorita rikmo, ne ndorimo tamtamma titacrena, na ipuņrenan. Na aku an kambmo emtemma ripacrina,

<sup>19</sup> na anmo aku gaimd ndamñirina, nena Iesusa ripacrena laiplacarta tumbunna emtemma titacrina, na ne matau ngoinna wat garacnande, nena meikramtairta ndeida, mandaibinna ndori Karaisna toñtoñna tipemb kirarirmo mataua rangairena.

<sup>20</sup> Aintik ne mbendeina moca puni te, ne amna reac morenanna, na an amna reac anna Kacootnan gidikca, wanaiñ.

<sup>21</sup> Na nena ndeida kabe, kabea ne tawina ndorita amna reac angica ambrena. Na ndeida mina nik wapatai ndeacrena. Na ndeida wain pukmo aniac ngamca mina ñañooca eacrañnande.

<sup>22</sup> Na titoca moca? Na ne mbiraca pukapa amna reac amna kaik barer kocor ki, a? Na ne gaimd ndamñirena, Rarañ Aetaniacna Iesusna ritipaikta meikramtairta tumbunna, anna reac wanaiñ ki, na ne gan nakipca an laiplacara amna reik kocortanmo moi mina numbir angirena, ki? Na aku nenmo kaina kam mac mbopit? Aku titocna nena morena tipemb kirarirta toñgoca nenmo kam toñtoñ ndopit ki? Wanaiñ ngoin.

*Kacootta tapacapa wainna puk angica ndona iña rangairena ramtaira neañgatna*

*(Matiu 26.26-29 na Mak 14.22-25 na Luk 22.14-20)*

<sup>23</sup> Na an kamma aku nena neañrinanna, anna aku Kacoot ndambuñnan angiatna. Na an kamma gaimd. An mouña Iudasa Iesusmo



puɲnaŋgepta para tikaŋke, an mouɲ toco Kacoot Iesusa ma tapac aŋgica,

<sup>24</sup> ma Raraŋ Aetaniacmo mbendeia, kam laɲ neaŋga, ma witkica ma mambopat, “Ganna aukna tik, na aku nena neaŋrina, nen ŋgotacna, na ne aında moran te, ne aukna ndamɲiraŋnande.”

<sup>25</sup> Na mina amba maiatke, ma wainna kab aŋgica, an iro kabe mac moca, ma aindopatna, “Gan wain kabna pukca anna aku nenap kam ŋgam leacrina, ndona racaindpaik mbuɲ. Na memetmbaca, ne an kab mbuɲ ŋgamraŋ, na ne aında moran te, ne aukna ndamɲiraŋnandet.”

<sup>26</sup> Na an Iesusna kamma aında wandacrina, memetmbaca ne an tapac am te, an kab mbuɲ ŋgam te, ne memetmbaca ne Iesusna menacatna kamma mana aŋgiratna girgina kamma memetmbaca waeke mbopi taɲi, mana mac nda kipna min mbuɲ.

*Aia ndorita iroar inkarmo matau ritrica Kacootna amna reac aŋgi*

<sup>27</sup> Aında moca an minna mina Kacootna tapacapa mana kab mbuɲ ŋgam te, na meacramoot ianna tip kirar laɲa mo ŋgocor te, anna gaind, ma Kacootna tikapa mana racaindpaikmo moa reac wanaiɲ ŋgoinna morina. Na mana morina tip kirara ma anna makuk aŋginande.

---

**11:25** NA 24.6-8, na Ier 31.31-34, na Sek 9.11, na Ib 8.8-13 **11:26**  
In 14.3, na Up 1.11, na 1 Te 4.16, na KIEK 1.7 **11:27** Ndu 9.10,  
na 9.13, na In 6.51, na 6.63-64, na Ib 10.29

<sup>28</sup> Na ramootta ndona iro inikca matau pac ritri watcarica, ma an tapacapa an Kacootna kab mbuᅇa amna.

<sup>29</sup> Na anna moca ramootta Kacootna tikmo matau lamᅇi ᅇgocor, na ma an amna reacapa an pukmo ambrinan, anna ma makukmo ndo ndambuᅇ ᅇgoin naaᅇgira kiᅇrina, aintanmo Raraᅇ Aetaniaca manmo ritri waparaca monande.

<sup>30</sup> Na anna miniᅇna moca, nena inikna meikramtaᅇr ndeida gagrar kocora kocnaia wewettaᅇarica roumbbeba moca ndeida menaca mamairi.

<sup>31</sup> Na aia ndorita iroar inkarmo, matau ᅇgoinna ritri maica an amna reacapa an puk am te, anna laᅇ, na anna Raraᅇ Aetaniaca aimo ritri waparaca mba moitndai.

<sup>32</sup> Na ᅇarikca Kacootta aina morena tiᅇpemb kirarirmo watca wandoᅇa wanaiᅇ, ma aimo makukar neaᅇnande. Na anna aimo wandoᅇainandet. Te, aia gan tiacarpaikna meikramtaᅇrapmo ritri waparaca moca, na aia mba topitndai.

<sup>33</sup> Aintik ne aukna Iesusa riᅇpacrena laiplacar, ne maica amna moca tumbunna tik te, ne kabenanta moca tekemtem ndabi.

<sup>34</sup> Na ianna nik watai te, ma ndona kacniᅇma tikca am. Na ᅇarikca nena tumbunmo nenmo ritri waparaca mo nari.

Na kam tiᅇpca maeacreke, aku mba kocnaia mbopri, iᅇmbaia aku kipca nena wat te, aku

---

**11:28** Mt 26.22, na 2 Ko 13.5, na Gal 6.4    **11:31** ᅇap 33.5, na 1 Io 1.9    **11:32** ᅇap 94.12-13, na Ib 12.5-6, na 12.11

kocnai wandonjainande.

## 12

*Pola Neronj Ratna wanaija neanrena reac reac laiŋta kamma an ndoprina*

<sup>1</sup> Ainda moca ne Iesusa ripacrena laiplacar, mandeaca aku nenmo matau ŋgoinna mbopca ne matau lamŋina, an Neronj Ratna wanaija neanrena reik laiŋta moca.

<sup>2</sup> Na ne malamjireke, an minna ne ripac ŋgocora raekmbai ndeacri, reac ianna nenmo an kamb ndop ŋgocorta mirpembraraiŋta dawar tambuŋa, wiŋi taŋ te, ne ŋgepca wanaij ŋgoin pac taŋrena.

<sup>3</sup> Aintik aku tonjgorinanna, ne gan kam ŋgoinna matau lamŋi rapac. Na Raraŋ Aetaniacna Neronj Ratta ramoot ian ndambuŋ ndeac te, ma manmo kamb aŋgira ikrenan, an ramootta gainda mba mbopitndai, "Iesusa ma ŋgocrainande!" Na ramootta Neronj Ratta manapmo eac ŋgocor te, ma gainda mba mbopitndai, "Iesusa Kacoot."

<sup>4</sup> Na Neronj Ratna an aiŋa neanrena kakadmaina opotaca anna dam damar. Na Neronj Rat kabe niŋgikca ndo eacrena.

<sup>5</sup> Na aia Kacootna titocna aiŋira damara morenanna, Kacoot kabe niŋgikca ndo eacrena.

<sup>6</sup> Na aiŋirmo aia titoca tiki mona kirarira wit, na Raraŋ Aetaniac kabe niŋgik, ma ndo

---

**12:2** Ŋap 115.5-7, na Aba 2.18-19, na 1 Ko 6.11, na Epe 2.11-12, na 1 Pi 4.3    **12:3** Mt 16.17, na Mk 9.39, na 2 Ko 3.5, na 1 Io 4.2-3

**12:4** Epe 4.4, na Ib 2.4, na 1 Pi 4.10    **12:4** Ro 12.6-8    **12:5** Ro 12.6-8, na Epe 4.11

meikramtairmo gargar neanreke, mina an aijnirmo mona min.

<sup>7</sup> Na Neronj Ratta, ndona gargarmo meikramtairmo kabe, kabea muruḡa wandacrenan, te, mina kabena meikramtairmo otacnande.

<sup>8</sup> Na ramoot ianmo Neronj Ratta manmo kabena ndeidmo iroar lainj neanḡa gargar neanrena. Na kabena ramoot ianmo, an Neronj Rat kabea manmo Raranj Aetaniacna landamḡiar ndeidta kirarirmo meikramtaira neanḡa gargar neanrena.

<sup>9</sup> Na ramoot ianna ma ndona ritipacna gargarmo an Neronj Rat kabe mbuḡa anḡirenan. Na an Neronj Rat kabe mbuḡa kabena ndeida roumbbebta meikramtairmo moa lanḡa mona gargar anḡirena.

<sup>10</sup> Na ianna ma ḡgagatracara morena gargar anḡirena. Na ianna ma ramma moi mbopna gargarm anḡirena. Na ianna ma titocna ḡernḡaurta tipemb kirarira ritrina gargar anḡirena. Na ianna ma kabena kam mbuḡ ndopna landamḡi anḡirena. Na ianna ma an kambta mininḡ uriracna landamḡi anḡirena.

<sup>11</sup> Na an Neronj Rat kabea ma ndo an reikmo muruḡa moa larurena. Na wanaiḡa neanrena reik lainḡa ma ndona tonḡtonj mbuḡa ma ianmo an reac neanḡande, na ian motocmo an reac neanḡande.

---

**12:7** 1 Ko 14.26, na Epe 4.7, na 1 Pi 4.10-11      **12:8** 1 Ko 13.2, na 2 Ko 8.7      **12:9** Mt 17.19-20, na 1 Ko 13.2, na 2 Ko 4.13, na Ie 5.14      **12:10** Up 2.4, na Ro 12.6, na 1 Ko 14.5, na 14.29, na 1 Io 4.1      **12:11** Ro 12.4-8, na 1 Ko 7.7, na 2 Ko 10.13, na Ib 2.4

*Aina muruŋcaminŋa tik umbumbura tik kabena kirar toc ndeacrena*

<sup>12</sup> Na ramootna tikca kabe niŋgik, na mana umbumbura wit. Na an tikna umbumbura anna mina muruŋa tik kabea moca eacrena. Na Karaisna tik toco, ma an kirar kabea eacrena.

<sup>13</sup> Na anna gaind, Njeron Rat kabea ndo aimo muruŋcaminŋmo kitac pukca neanrina, na iro kabe niŋgikca moca aimo muruŋ naanŋira tik kabe ndarurina, na aia Iudanana, Giriknan, co, tuomna aij kamainda morenanapa, wanaiŋ ndeacrena meikramtairap, aia muruŋcaminŋa an Njeron Rat kabe niŋgikna puk anŋica amba an mbuŋa gargar anŋirena.

<sup>14</sup> Na aia lamnjirena, tikca ma waŋ kabe niŋgikca wanaiŋ. Mana waŋgora wit.

<sup>15</sup> Na ŋarikca ora gaindop te, “Aku para wanaiŋ, aintik aku tikna waŋembaia wanaiŋ.” Anna ma parurenan, ma tikna waŋembai ndeacrena.

<sup>16</sup> Na ŋarikca koara gaindop te, “Aku lamniaca wanaiŋ, aintik aku tikna umbum ianna wanaiŋ.” Anna ma parurenan, ma tikna waŋembaia eacrena.

<sup>17</sup> Na tik niŋgikca ndo tikna lamniacmo muruŋ ndaru te, ma kai mbuŋa kamma waracit? Na tik niŋgikca ndo tikmo koar muruŋ ndaru te, titoca mo te, ma reikta inŋpai ŋinŋipait?

<sup>18</sup> Na tikca muruŋa aindai wanaiŋ. Wanaiŋ. Raraŋ Aetaniaca tik muruŋna umbumbur mo-

---

**12:12** Ro 12.4-5, na 1 Ko 10.17, na Gal 3.16, na Epe 4.4, na 4.16

**12:13** In 6.63, na Ro 6.5, na Gal 3.28, na Kol 3.11      **12:18** Ro 12.3, na 1 Ko 3.5, na 12.11, na 12.28

timbmo kabe, kabea tikca mairina, ndona tonjgorina kirar.

<sup>19</sup> Na tikna wanj kabe ianna ndo tik ndeac te, an tikca tik gidikca, wanaij.

<sup>20</sup> Na tikca muruŋa ainda wanaij. Wanaij. Tikna umbumbur motimba wit, na mina tik kabe niŋgik ndeacrena.

<sup>21</sup> Na lamniaca parmo gaindopna minna wanaij, “U eac ŋgocor te, aku ndo kabea aku matau eacna min.” Na paŋan toco, ormo gaindopna minna wanaij, “U eac ŋgocor te, aku ndo kabea aku matau eacna min.”

<sup>22</sup> Wanaij. Aia lamŋirena tikna umbumbur motimbmo, aia gaind ndamŋirena mina gargara wanaij, na mina eac ŋgocor te, tikca laŋa mba eacitndai. Wanaij ŋgoin.

<sup>23</sup> Na tikna umbumbur motimbmo, aia gaind ndamŋirena aia an meikramtairmo wandac narica, aŋgira iŋgorocrenanna, aia mina lamboirmo matau ŋgoin ŋgaocraŋnande. Na an tikna umbumbur motimba aia anna numbira morenanmo, aia matau ŋgoin naaŋgira iŋgorocrena.

<sup>24</sup> Na tikna umbumbur ndeidmo, aia wattacarica mina raek, ndeacrena. Na Raraŋ Aetaniaca tikna umbumburmo, ma muruŋa aŋgira tumbun kabea tikrina. Na umbumbur ndeida mina iremb kocorta kirar, mina ndori outmbai ŋgoin ndeacrena.

<sup>25</sup> Na ma ainda mo te, tikca ma mba tamtamma titacna minna wanaij. Tik umbumbur kabe, kabea mina kabena umbumburmo raupŋinandet.

<sup>26</sup> Aında moca tikna umbum ianna girgir anđi te, an tikca muruđa andu an girgir anđinande. Na umbum ianna i aniac anđi te, an umbumbur ndeida muruđa manap tođton kabe anđinande.

<sup>27</sup> Aında moca ne muruđa Karaisna tik kabe ndarurina. Na nena kabe kabea, mana tikna umbumbura moca larurina.

<sup>28</sup> Ri, Rarađ Aetaniaca meikramtairmo larapaca mina Iesusna ritipaikta meikramtairta tumbunna aiđa mona. Na out ŋgoinna ma up anđirena ramtairta aiđa morenan larapacrina, na an ndambuđnandmo, rambca morena ramtairmo larapacrina, na an ndambuđnandmo, meikramtairmo Rarađ Aetaniacna tođgorina tipemb kirarirmo ririptina ramtairmo larapacrina, na ŋgagatracara mona wiwitnanmo larapacrina, na roumbbeba moi lađa monanmo larapacrina, na kabena meikramtairmo opotacna aiđa mona wiwitmo larapacrina, na reac, reacna aiđirta ŋginađa mona wiwitmo larapacrina, na kabena auđembta kamb puđ toprena aiđa meikramtairmo larapacrina.

<sup>29</sup> Na titoca moca? Na mina muruđa up anđirena ramtair ndarure ki? Co, mina muruđa rambca morena ramtair ki? Co, mina muruđa ririptina aiđa mona meikramtair ki? Co, mina muruđa ŋgagatracara momona aiđa mona gargarap ki?

<sup>30</sup> Co, mina muruđa roumbbeba meikramtaira moi lađa momona gargarap ki? Co, mina mu-

---

**12:27** Ro 12.5, na Epe 1.23, na 5.30, na Kol 1.24    **12:28** Up 13.1, na Ro 12.6, na Epe 2.20, na 4.11-12

ruņa auņembta kamb ndopna gargarap ki? Co, mina muruņa kamb uriracna min ki? Wanaiņ ņgoin. Mina muruņa ndorita ainjrap.

<sup>31</sup> Te, nena toņtoņa moi gagraca, ne ņeron Ratna outna kakadmaina opotacmo, ne aņgina.

*Aia ndorita mamatņimo kabena meikramtairmo neaņ*

Na mandeaca aku toņgorenanna, nenmo outna tipna kirarna kam ndopnandet.

## 13

<sup>1</sup> Na aku kabena meikramtairmo kabena auņembta kam mbuņ ndop te, na mbaiņna aiņa morena ņerņgaurta kam motocmo mboprenan, na aku ndona mamatņimo minmo neaņ ņgocor, anna aku taurna mitmitna kirar, co, rimbiņna kirara mitmit kamainda morena.

<sup>2</sup> Na aku rambca morena ramtairta kambmo wiwit mbop te, na aku Raraņ Aetaniacna iņgoroca eacrena iroarmo lamņi te, na aku kabena landamņi wit aniacap te, na aku ritipac gargar aniacap te, aku taukruirmo ndiaņi waņembaia taņna min, na aku ndona mamatņimo kabena meikramtairmo neaņ ņgocor ndacari te, anna aku ndomo reac wanaiņna kirara morina.

<sup>3</sup> Na aku ndona reikmo muruņa ndaekpembca eacrena meikramtaira neaņ te, na aku ndomo watcarica meikramtaira aukmo aņģica tik auknanmo tac mbuņa rotaca, aku menac te, anna aku ndona mamatņimo minmo mba neaņri, na



an reikca mina muruŋa aukmo emtemma mba otacitndai.

<sup>4</sup> Na ramootta ndona mamatŋimo kabenanna neaŋrenan, ma kaega mba tawia morenanna, na an tip kirar ŋgoreaca, mina mana morenanmo, ma mba nda rutirenanna, wanaiŋ. Na ma meikramtairmo muruŋcamiŋmo tipemb kirarir lainga morenan. Na ma lamin aniacapna ramootmo ŋgoreaca mba aŋgiritndai. Na ramootta ndona mamatŋimo kabenanna neaŋrenan, ma mba ndona imo mba aŋgira ŋgeprenanna.

<sup>5</sup> Na ma meikramtairmo tamtamma mba morenanna. Na ma ndona reikta ke, mba dadanakerenanna. Na mana nikinik iroa mba tawia nikkatrenanna. Na mina manmo tipemb kirarir ŋgorikca morenanmo ma ndarekrekerena.

<sup>6</sup> Na tip kirara wandoŋa wanaiŋ, ma mba toŋgorenanna. Wanaiŋ. Ma tipemb kirarir gidkar koinda toŋgorena.

<sup>7</sup> Na ramootta ndona mamatŋimo kabena meikramtairmo neaŋrenan, ma reac ianmo mba watcarica manmo mba moi irikitndai, wanaiŋ. Na memetmbaca ma ripacrena, na Raraŋ Aetaniacmo manmo otacna lambirenan. Na minmo makukara larurenan, ma witikca gagraena.

<sup>8</sup> Na an kabenanmo aia ndorita mamatŋi neaŋrena tipna kirara, ma mba mac maiitndai. Wanaiŋ ŋgoin! Na Raraŋ Aetaniacna rambca morena ramtairta kambca wiwitirena aiŋ, anna

---

**13:4** ML 10.12, na 1 Pi 4.8    **13:5** 1 Ko 10.24, na Pil 2.4    **13:6** Ŋap 10.3, na Ro 1.32, na 12.9, na 2 Io 1.4    **13:7** Ro 15.1, na 1 Ko 9.12, na Gal 6.2, na 2 Ti 2.24, na 1 Pi 4.8

mainande. Na kabena auņembta kamb puņ ndo-prenanna, ma toco mainande. Na meikramtairta iroar landamņiar laiņ toco mainande.

<sup>9</sup> Na mandeaca aia iroarmo tip, tip niņgikca aņģica lamņirina. Ri, Raraņ Aetaniacna rambca morena ramtaira rambca morena kamb mo-tocmo, aia tip, tip niņgikca wiwitirena.

<sup>10</sup> Na iņmbaia an reaca muruņ ņgoin nakip te, an minna reikca muruņa tip, tip niņgik ndeacrenanna mina mainande.

<sup>11</sup> Na anna moonņuoc tekera acnaina morena kirar. Ņgaua aku moonņuoc teker ņgoin ndeacri, an minna aku kammo moonņuoc teker mbopri toc, anna moonņuoc tekera reac towaire toc, na aku moonņuoc tekera lamņirena kirar toc ndamņirena. Na mandeaca aku ņgepca ramootta aniaca mori, aku moonņuoc tekerna tipemb kirarirmo tikcaririna.

<sup>12</sup> Na mandeaca aia reikmo watri, mina ņaņari laruca waeke ņgocor. Na anmo aia minmo ninik niņgik mbuņa tikca watrina kirar. Na iņmbaina min mbuņa, aia mina iņpaņan gidik ņgoinna watnande. Na mandeaca aku ņaņari, lamņi garac ņgocor. Na iņmbaia aku matau ņgoinna lamņi rapacnande, aida moca Raraņ Aetaniaca aukmo mataua lamņia rapacrina.

<sup>13</sup> Na an reik mbonkaca, ianna ritipacna tipna kirar, na ianna Raraņ Aetaniacna lamtambina tipna kirar, te, ma aimo moi laiņga monan, na ianna aia mamatņimo kabena meikramtaira neaņrena tipna kirar, aintik an reik mbonkaca

---

**13:12** Mt 18.10, na 2 Ko 3.18, na 5.7, na Pil 3.12, na Ie 1.23, na 1 Io 3.2     **13:13** 1 Te 1.3, na 1 Io 4.16

memetmbac ndeacrena. Na an reik mbonkacna inicka, ianna tipna kirara ma lanŋ ngoin, anna gan tipna kirar, kabena meikramtairmo matŋia morena.

## 14

*Ne Raraŋ Aetaniacna kam wiwitina toŋtoŋ aniacap moran*

<sup>1</sup> Aında moca ne gagraca memetmbaca ndorita mamatŋimo kabena meikramtaira neaŋ. Te, ne Ŋeronŋ Ratna wanaiŋa neaŋrena reik laiŋmo muruŋna aŋgina toŋtoŋ aniac mo. Na wanaiŋa neaŋgatna reik laiŋta, ianmo ma an wanaiŋa neaŋrena reik laiŋ ndeidmo kunda tamuŋmbai, na ne an aŋgina aiŋ gagrai moca aŋgi, na anna wanaiŋa neaŋrena reac lanŋ, anna Raraŋ Aetaniacna rambca morena ramtairta mboprena kam.

<sup>2</sup> Na aia lamŋirena, ramootta kabena auŋna kam mbuŋa mboprenan, ma kabena ramtairta kamma mba mbopri. Wanaiŋ. Ma Raraŋ Aetaniac niŋgikap mboprena. Aintik kabena ramootta an ramootna mbopatna kamma ma titoc ndopatnanna, kabena ramoot ianna an kamma lamŋina minna wanaiŋ, anna Ŋeronŋ Ratna gargar mbuŋa ma an iŋgoroca eacrena kambca ma an ndopatna.

<sup>3</sup> Ŋarikca meacramootta Raraŋ Aetaniacna kamma rambca morena ramtairta kirara moca mbop te, an meacramootna kamma meikramtairta ritipaikmo moi gagraŋnande.

Na minmo tip kirar ianna mona aoci ngepnande, na mina iroar inkara moi lainga monande.

<sup>4</sup> Na meacramoota kambmo kabena auɲna kam mbuɲa mboprenanna, ma ndona iro inikca moa gagrarena. Na meacramoota ramma morena kam ndop te, ma Iesusna ritipaikta meikramtairta tumbunna moa gagrarenan.

<sup>5</sup> Na aku tonɲorena, ne meikramtaira muruɲa kabena auɲna kam mbuɲ ndoprenan, na aukna tonɲon aniac ma Raraɲ Aetaniacna ramma morena kam ndopna. Na ramootta kammo kabena auɲna kam mbuɲ ndop te, anna laɲ, an kam uriracna ramootap eac te. Iesusna ritipaikta meikramtairta tumbunna gargar anɲinande. Na kam uriracna ramoot ianna eac nɲocor te, ainda mo te, ramootta Raraɲ Aetaniacna ramma morena kam ndoprenanna, an kabena auɲna kam mbuɲ ndoprena ramootmo, ma an ramootmo kundrina.

<sup>6</sup> Na ne Iesusna ripacrena laiplacar, ne gan kamna moca matau lamɲicari. Na aku nen ndambuɲ nakip te, na nenmo kabena auɲembta kam mbuɲa ndop te, nariɲca moca aku nenmo kam ndeida Raraɲ Aetaniaca aukmo wandacatnanna mbop nɲocor, co, aku nenmo landamɲia neaɲ nɲocor, co, aku nenmo Raraɲ Aetaniacna ramma morena kamma mbop nɲocor, co, aku nenmo matau ripti nɲocor, na titoca mo te, aku nenmo otacit?

<sup>7</sup> Na an reikca miɲa eteacna watrem kocor, anna wiroromapa gitana kirar. Na mitoco

kamma matau mo ngocor te, na titoca mo te, aia mana logotna kam memraña waraci garacit?

<sup>8</sup> Na runduikta rimbija matau mo ngocor te, mandaia ndo ruña nakocroit?

<sup>9</sup> Na nen toco aintan. Na ne kabe kabea, kabena auña meikramtairta kam mbuña an kam ndamñi ngocorta meikramtairmo mbop te, na titoca tik te, mina an kamna minija garacit? Nena kamma ma wanaiñ ndarinandet.

<sup>10</sup> Na anna gidik, auñembta kam wit aniaca muruña gan tiacarpaikca eacrena. Na mina muruña lañ, meikramtairta iroarmo moi piarna.

<sup>11</sup> Na aku ramoot ianna mboprina kammo aku lamñi ngocor te, ma gaind ndamñinande, aku raña kurmin ndamoot. Te, auk toco aku gaind ndamñinande, an ramoot, ma toco ma raña kurmin ndamoot.

<sup>12</sup> Na aintocna tipna kirara nena rikmo larunande, ne kabena auñembta kamna kam mbuñ ndopekna minna ma larunande. Na aku lamñirina, ne tongorena an Neron Ratna wanaiña neañrena reik laiño, aña moca. Aintik ne an aiño gagrai moca Neron Ratna wanaiña neañrena reik laiñ aña, na Iesusna ritipaikta meikramtairta tumbunmo, anna ndo minmo moa gagrarena.

*Polá kabena auñembta kam mbuña mbopna kirarirta kamma ma an ndoprena*

<sup>13</sup> Aintik ramootta kammo kabena auña kam mbuña mbopna moek, ma Rarañ Aetaniacmo mbendeica ma manmo anna gargar neañca ma an kammo uriacna.

14 Na ne lamņirena. Aku kabena auņna kam mbuņa mbendeirenanna, aukna ņeroņa ainda morena, na aukna iroa ma wanaiņ ndeacrena.

15 Na ainda mo te, aku titoca moit? Aku ndona ņeroņapa iro mbuņa mbendeinandet. Na aku ndona ņeroņapa iro mbuņa ņap ņgumnandet.

16 Na u ainda mo ņgocor te. Na una ņeron mbuņa Raraņ Aetaniacmo kam laņ neaņrinan, na ramoot ianna eac te, ma mana an kamma lamņi ņgocor, na kaina moca ma aindopnandet, "Anna gidik." Na an una neaņgapekna kamma laņ ki? Anna ma towanaiņ. Una mboprina kamma ma mba lamņiri.

17 Na anna gidik, una mboprina kam gidikca anna laņ, na u kabena ramoot ianna nikinikna iromo u mba moa gagrari.

18 Na aku nenmo kunda kabena auņna kam mbuņ ndoprena, aintik aku Raraņ Aetaniacmo kam laņ neaņrina.

19 Na an minna Iesusna ritipaikta meikramtairta tumbunna punica mbendeina morenan, anna laņ aku minmo kamb tipemb parmbai niņgik ndopnande, kabenanda warac rapacna, na aku kabena meikramtair motocmo riptinande. Na 10,000na minna auņembta kamb tipemb puņga aku kai mbop teac.

20 Na ne Iesusna ripacrena laiplacar, ne mombonikta tipemb kirarirta landamņi toca kai eac teac. Wanaiņ. Nena tipemb kirarir ņgorikta moca ne mombonik tekirta tipemb kirarirta

iro landamņi toca eac. Na nena iroar inkara meikramtair anikta iroar inkarta kirarir toca eacraņ.

<sup>21</sup> Na Tip Wandikna kammo mina tirca ma gaindoprina, “Kacootta aindopatna, ‘Aku minmo kambca mbopnande, an kabena auņna kamna ramtairta up mbuņa neaņga mina aukna kambmo, mina mba waracrenanna.’ ”

<sup>22</sup> Ainda moca kabena auņna kam mbuņa mbo-prena tipna kirarna ņgagatraca Raraņ Aetani-aca neaņrina, na anna ma ndona gargar wandac-rina. Na an ņgagatraca anna mana ripacrena meikramtairtanna wanaiņ. Ma an ripac ņgocortanna wandacatna. Na Raraņ Aetaniacna tipna kirarmo rambca morena kambca, anna mina Raraņ Aetaniaca ripacrena meikramtairmo neaņgatna ņgagatrac. Na an ņgagatraca anna ripac ņgocorta meikramtairtanna wanaiņ.

<sup>23</sup> Ainda moca Iesusna ritipaikta meikramtairta tumbuna kipi muruņa tik te, mina muruņa mbopekna kambca auņembta kamb puņ ndoprena. Na meikramtairmo Ņeroņ Ratta wanaiņa neaņrena reikmo aņģir ņgocortan, co, meikramtaira Iesusa ripac ņgocortan, mina kipi mbukca warac te, mina aindopnande, mina ņaņaorena.

<sup>24</sup> Na ņarikca moca ne muruņa rambca morena kam ndop te, na ramoot ianna ma ripac ņgocor, co, ma Ņeroņ Ratta wanaiņa neaņrena reacmo lamņi ņgocor, na ma kipca mbuk te, na nena muruņa an kambca an ramootna iro

inikca, riŋa, nena muruŋna kambca manmo ritri waparaca wandacrina ma tip ŋgoreacna makukca morena ramoot.

<sup>25</sup> Na mana iroar ŋgorikca mana nikinikca iŋgorooca eacrenan, anna ma larui raekca tik te. Na ma mana outmo paŋan ramtukca Raraŋ Aetaniacna i aŋgiri ŋgepca, aindopnande, “Gidik ŋgoin, Raraŋ Aetaniaca ma nena rik ndeacrena.”

*Mbembendeina aiŋmo wandoy ŋgoinna mo*

<sup>26</sup> Aintik ne Iesusa ripacrena laiplacar, ne kai ŋgoinna morena? An min ne mbendeina punirenanna, na nen momona aiŋap. Na nena ianna ŋap ŋgumnandet, na nena ianmo riripti neaŋnandet, na ianna Raraŋ Aetaniaca manmo neaŋrina kammap, na ma an kammo wiwiti mbopnandet. Na ianna kammo kabena auŋna kam mbuŋa mbopnandet, na ianna an kam uriracnandet. Na ne muruŋa an reikca morenanna, anna ne Iesusna ritipaikta meikramtairta tumbunmo moi gagrarenan.

<sup>27</sup> Na ndeida kabena auŋna kam mbuŋa mbop te, anna mbuniŋ, co, mbonkac niŋgikca ndori morenan. Na an ŋgaŋgaŋgi niŋgik. Na mina kammo mina muruŋa kai mbop teac, wanaiŋ. Ianna outta mbopacarica, kari te, iŋmbaia ian tuk mbopna. Na ramoot ianna mina an kambmo uriracna.

<sup>28</sup> Na kam uriracna ramootta eac kocor te, na an ramootta ma kabena auŋna kam mbuŋ ndoprenanna, ma ndona up mikca an tumbunmo

---

**14:25** Ais 45.14, na Sek 8.23, na In 4.19      **14:26** 1 Ko 12.7-10, na 2 Ko 12.19, na Epe 4.12



kam ianna kai mbop teac. Na ma ndo kabe ningik ndeac te, ma Raraŋ Aetaniacap mbopraŋ.

<sup>29</sup> Na ramoot mbuniŋ, co, mbonkaca ndori tiŋgikca, rambca morena kamb ndopnande. Na ndeida mina an kambmo ritrinande.

<sup>30</sup> Na ramoot ianna mbiraca eacraŋ te, na Raraŋ Aetaniaca manmo kam ian wandac te, na ma mbopna mo te, an outta witikca kam ndoprena ramoot, ma watitinandet.

<sup>31</sup> Na an kirar mbuŋa ne muruŋa min, na ne kabe, kabea rambca morena kambmo wiwiti mbopnande. Te, meikramtaira muruŋa iro landamŋiapa gargar anŋinandet.

<sup>32</sup> Na rambca morena meikramtaira kam wiwitirenanna, mina ndorita upembmo raupŋirena, na mina rambca moca kammo ndorita toŋtoŋ mbuŋ ndopnandet.

<sup>33-34</sup> Na aia lamŋirena, Raraŋ Aetaniaca ma reikmo tamtamma mba morenanna. Wanaiŋ. Ma aimo moca aia nikinik iro wetwet kabe ndeacrena.

Na an minna Iesusna ritipaikta meikramtairta tumnambca puniekna minna, meikpitikca watitica kam ianna kai mbop teac. Mina kam kocora eacraŋ. Na aina Raraŋ Aetaniacna Iesusna ritipaikta meikramtairta tumnambca muruŋa aind ningikca moraiŋ. Na meikpitikca Iesusna ritipaikta meikramtairta tumnambmo outta kai tik teac. Na mina kaŋgauk ndeac, anna Raraŋ Aetaniacna moatna Tip Wandikca aindoprina.

---

**14:29** Up 17.11, na 1 Te 5.19-22    **14:33-34** 1 Ko 11.3, na 14.40, na Kol 3.18, na 1 Ti 2.11-12, na Ta 2.5, na 1 Pi 3.1

<sup>35</sup> Na mina ndorimo kamna minij na-garacna ndop te, anna mina ndorita kaikn-imb punga tikca ndorita kantermo digi. Na meac ianna Iesusna ritipaikta meikramtairta tumbuna, puniekna minna, ma kam ian ndop te, anna ma numbirta tip kirara morina.

<sup>36</sup> Titoca moca? Na Raraŋ Aetaniacna an kamma nen ndambuŋa tikca ngepatna ki, a? Na ne ndori tiŋgikca Raraŋ Aetaniacna kam aŋgireke, na meikramtair ndeida kaica, a?

<sup>37</sup> Na ramoot ianna ma ndo mbuŋa gaind ndamŋi te, ma ramma morena ramoot, co, ma gaind ndamŋirena, ma ndo ngoinna ma Neron Ratna landamŋiap, aintik ma lamŋirena, an kamma aku nena tirrinanna, anna Kacootna kam gargar.

<sup>38</sup> Na ramoot ianna an kammo, toŋgo ngocor te, ne manmo ramma morena ramootta kai lamŋi teac.

<sup>39</sup> Aintik ne aukna Iesusna ripacrena laiplacar, ne rambca morena kammo matau ngoinna toŋgoraŋ, na ne kabena auŋembta kam mbuŋa mboprena tip kirarmo anna wandikca kai tik teac.

<sup>40</sup> Na ne mbendeina puniraŋ te, ne reikmo matau wandon laŋa moraŋ.

**Na menaca mairinan, mina mac  
nda ngepnande**

## 15

*(15.1-58)*

**14:37** 2 Ko 10.7, na 1 Io 4.6

**14:39** 1 Ko 12.31, na 1 Te 5.20

**14:40** 1 Ko 14.33, na Kol 2.5

*Karaisa menaca mutocarica injmbaia ma muk iniknan mac nda ngepatna*

<sup>1</sup> Ainda moca ne Iesusa ripacrena laiplacar, an kam wembanj lajna moca aku nenmo wiwitirinan, na nena iroar mac moi ngepna. Na an kam wembanj lajna ne maanjiri, na ne an mbuaja witikca gagarina.

<sup>2</sup> Na an kam wembanj lajn mbuaja, Raranj Aetaniaca nenmo mac nda anjirena. Na ne an kam wembanj lajna aku nenmo neanjatnanmo ne matau utij, narikca ne wanaija ripac nari.

<sup>3</sup> Na aku nenmo kam wembanj lajn gidikmo neanjrinan, na ande an kam wembanj lajn gidikca aku out ngoinna anjiatna. Na anna gidik. Karaisa ma menacatnanna, ma aina tipemb ngorikta makukarmo murujcamija moi kecarina moca, an kammo timbigta kapna kamma mbopatna.

<sup>4</sup> Na mina manmo mukca tikrinan. Na rai mbonkac mbuj, ma mac nda ngeprina, anna Raranj Aetaniacna timbigta kapca mbopatna kirar.

<sup>5</sup> Na injmbaia ma Pita ndambuñ ndarurina, na anna injmbaia ma ndona ija rangairena parniapa mbut mbuniña ramtairpaik ndambuñ ndaruatna.

<sup>6</sup> Na anna injmbaia Iesusa ripacrena laiplacar wit muruja manmo watrina, na mina

---

**15:1** Ro 5.2, na Gal 1.11      **15:2** Gal 3.4      **15:3** Njap 22.15, na Ais 53.5-12, na Dan 9.26, na Sek 13.7, na 1 Ko 11.2, na 11.23, na Gal 1.12      **15:4** Njap 16.8-10, na Mt 12.40, na Lk 24.26, na 24.46, na Up 2.24-32, na 13.33-35      **15:5** Mt 28.16-17, na Mk 16.14, na Lk 24.34-36, na In 20.19

ngannganngina minna 500na minmo emtemma kundrina. Na an Iesusa ripacrena laiplacar wit aniaca mina maeacreke, na mina ndeida mamenacri.

<sup>7</sup> Na anna inmbaia Iemisa manmo watatna, na mana inmbai mbuŋa up anŋirena ramtaira muruŋa manmo watrina.

<sup>8</sup> Na mina inmbai ngoinna, ma auk motocmo aukna lamniac mbuŋa malaruat, na aku moonnuoc tekerna kirara aemma mirrinanna kunku ngocor.

<sup>9</sup> Na up anŋirena ramtairmo aku mina rikmo teker ngoin. Na meikramtaira aukmo up anŋirena ramootta mba ac mbe. Wanaiŋ ngoin. Aku Raraŋ Aetaniacna Iesusna ritipaikta meikramtairta tumbunmo, towaia mo ngocrairenan.

<sup>10</sup> Aintik Raraŋ Aetaniaca ma aukna kadmaica ma aukmo mandeaca eacrena kirarmo ainda moa laruca aku eacrena. Na kakadmai mananna aukna kadmairinanna, ma mba wanaiŋa taŋitndai. Wanaiŋ ngoin. Aku aiŋ gargar ngoin mamoreke. Na anna up anŋirena ramtairmo muruŋa kundrinan. Aintik aku ndo mbuŋa minna wanaiŋ, an aiŋira morinan, wanaiŋ. Anna Raraŋ Aetaniaca aukmo kadmaica, ma aukmo gargar neanŋa aku an aiŋira morinan.

<sup>11</sup> Anna mindacniŋ aku mori, co, up anŋirena ramtair ndeida morinan. Na anna aia muruŋa

---

**15:7** Lk 24.50, na Up 1.3-4    **15:8** Up 9.3-6, na 22.14, na 22.18, na 1 Ko 9.1    **15:9** Up 8.3, na 9.1, na Gal 1.13, na Epe 3.8, na 1 Ti 1.13-15    **15:10** Up 8.3, na Ro 15.18-19, na 2 Ko 3.5, na 6.1, na 11.5, na 11.23, na Pil 2.13

Iesusna menaca muknan mac nda ηgepatna kamma aia muruηa an ndoprena. Na ne muruηa waraca ripacrinan.

*Iηmbaia meikramtair muruηcamiηa menacrinanna mina mac nda ηgepnandet*

<sup>12</sup> Na memetmbaca aia nenmo Karaisna menacatna kam ndoprena, na Raraη Aetaniaca manmo mac nda moa ηgepatna kamma an wiwitirena. Na titoca moca nena rikna ndeida mina aindoprena, “Ramootta menacrinan, ma mba mac nda ηgepitndai?”

<sup>13</sup> Na anna gidik ecte, an menacrina meikramtaira mina mba mac nda ηgepitndai, na aind, co, anmo aia aindop mbe, “Raraη Aetaniaca ma Karaismo mba mac nda mo ηgep mbe.”

<sup>14</sup> Na anna gidik ecte, Raraη Aetaniac ma Karaismo mba moa ηgepatke, laη an kamma aia nenmo wiwitinanna anna ma reac wanaiη mamori, na nena ritipaik toco, anna ma reac wanaiη mamori.

<sup>15</sup> Na ainda gidik ecte, anna aia paparuna ramtair taruca, nenmo Raraη Aetaniacna kambaca an wiwitiatna. Aintik aia nenmo mbopa waracatna, Raraη Aetaniac ma Karaismo moa ηgepatna. Na anna gidik ecte, Raraη Aetaniaca ma menacrina meikramtairmo, mo ηgep ηgocorte, anna ma Karaismo mba moca nda ηgepatke.

<sup>16</sup> Na anna gidik ecte, Raraη Aetaniaca ma menacrina meikramtairmo ma mba moca

ngeprena, aintik aia gaindopnandet, “Raraŋ Aetaniaca ma Karaismo mba moa ngepatke.”

<sup>17</sup> Na anna gidik ecte, Raraŋ Aetaniaca ma Karaismo mba moa ngepatke, aintik nena ritipaikca nenmo mba otacitndai. Na ne ndorita tipemb ngorikta makukarap eacraŋnandet.

<sup>18</sup> Na meikramtaira Karaisa ripaca mina menacatnanna, mitoco kocnai topnande.

<sup>19</sup> Na aia Karaisa ripaca, mana lambica ma aimo moi laŋa monan. Na aia gan tiacarpaikna eteacna wat niŋgik aŋgina reik laiŋta lambi te, anna gidik ngoin aipemb, aia gan tiacarpaikna kabena meikramtairpembmo aia minmo kundrina.

<sup>20</sup> Na ainda wanaiŋ. Karaisa ma kocnaia menacrina, na gidik, gidik ngoinna Raraŋ Aetaniaca manmo mac nda moa ngepatnan. Na ma an menacrinanmo ma minmo out nangepatna, an wariŋna amna reaca out nagacrena kirar.

<sup>21</sup> Na ramoot ian ma memenacna tip kirara moa larurinan. Na kabena ramoot ian toco ma menacekna ramootmo, ma mac nda mo ngepna tipna kirara moa larurina.

<sup>22</sup> Na anna gaind, Adamna wiwitna meikramtaira mina muruŋcamiŋa mina menacrena. Na aintocna kirar mbuŋa Karaisna wiwitna meikramtaira mina muruŋcamiŋa iarwarna eteacna watap eacnandet.

<sup>23</sup> Na anna aia ramoot kabe, kabea muruŋcamiŋa aia mac nda ngepca ndorita eteacna

---

**15:20** Up 26.23, na 1 Ko 15.23, na Kol 1.18, na 1 Pi 1.3, na KIEK 1.5    **15:21** In 11.25, na Ro 5.12, na 5.17-18, na 6.23    **15:23** 1 Te 4.15-17, na KIEK 20.5

wat aŋgica ndorita oit ianna minna lambina. Na out ŋgoiŋ naŋgepatna ramootta anna Karais. Na an minna ma mac nda kip te, aia mana wiwitnan, aia muruŋcamiŋ mac nda ŋgepnande.

<sup>24</sup> Na an oit ianna minna an reikca muruŋ ŋgoinna mainandet. Te, Karais, ma gan tiacarpaikna bubuocna ramtair paŋaindta aiŋirapa, gargarapna ŋerŋgaurapa an reik muruŋa gargaraptan, ma minmo muruŋcamiŋmo mo topnandet, te, ma ndona bubuocmo Raraŋ Aetaniac Aetna para tiknande.

<sup>25</sup> Anna moca Karaisa ma gagrirta ramoot paŋan ndaruca, ma aind ndeaci taŋi ma ndona puŋnaŋgepmo muruŋ ŋgoinna moi irikca minmo kocnai moi topnande.

<sup>26</sup> Na ma puŋnaŋgepmo muruŋcamiŋ ŋgoinna moa kecamacariri, te, anna iŋmbaia ma memenac motocmo kocnaia moi topnandet. Anna mana puŋnaŋgep.

<sup>27</sup> Na Raraŋ Aetaniacna timbigta kapca gaindopatna, "Raraŋ Aetaniaca ma reikmo muruŋa mana kaŋgaukca tiknande." Na an kamma aindoprina Raraŋ Aetaniaca an reikmo muruŋcamiŋa Karaisna kaŋgaukca tiknande. Aintik aia malamŋjiri. Raraŋ Aetaniaca ma reikmo muruŋa Karaisna kaŋgauk niŋgikca tiknande, na Raraŋ Aetaniaca ma ndo ma mina kaŋgaukca mba eacitndai. Wanaiŋ.

<sup>28</sup> Na an reik muruŋa Karaisna kaŋgaukca eac te, iŋmbaia Raraŋ Aetaniacna Nuoc ŋgoinna

---

**15:25** Ŋap 110.1, na Mt 22.44, na Up 2.34-35, na Ib 1.13    **15:26**  
2 Ti 1.10, na KIEK 20.14, na 21.4    **15:27** Ŋap 8.6, na Mt 28.18,  
na Ib 2.8, na 1 Pi 3.22

ma ndo ma an reikca ndona kanġaukca tikatna an Raraġ Aetaniacna kanġauk ndeacnande. Na Raraġ Aetaniaca ma ndo ma an reikta paġanmbai ndeacnande.

<sup>29</sup> Na meikramtaira menac te, mina mba mac nda nġepitndai, na kaina miniġna moca meikramtair ndeida, an menacrina meikramtairta kitac pukca anġirca min nġotacna? Na mina mac nda nġep nġocor ndacari te, kaina moca min nġotacna moa kitac pukca anġirena?

<sup>30</sup> Na ai motocmo kaia? Memetmbaca meikramtair ndeida aia moi nġocraina morena, na menacatna meikramtaira mac nda nġep nġocor te, kaina moca aia aind ndeacrena?

<sup>31</sup> Ainda moca min laiplacar, aku nenmo gidik nġoin ndoprena, memetmbaca ra kabe, kabea aku menacrina tipna kirara eacrena. Na aia muruġa Karais Iesusap eacreke, ainda moca nena i anġi nġepca aku tonġon nġoin, ainda moca aku nenmo an kamma mba anġiri inġorocitndai.

<sup>32</sup> Na ne aind ndamnjirena, aku ndona tonġona ranġaica an aiġa morenan te, laġ ne aukmo mbop. Na aku kai anġina moca gan Epesusna ranġa amta nġoaeab kunnarap runġatna? Na an menacrina meikramtaira mina mac nda nġep nġocor te, anna laġ, aind ecte, "Aia puk am te, amna reaca amraġ, nġorapmbai aia menacnande."

<sup>33</sup> Na ne ndorimo kai watcaria kabena

---

**15:30** Ro 8.36, na 2 Ko 11.26, na Gal 5.11      **15:31** Ro 8.36, na 2 Ko 4.10-11, na 1 Te 2.19      **15:32** LR 2.24, na Ais 22.13, na Lk 12.19-20, na 2 Ko 1.8, na 4.10-11



meikramtair, mina nenmo parunande. Na ne gan kamma lamjire ki, “Moca aia meikramtair ngorikca taji mik te, mina aina tipemb kirarir lain ainanmo moi ngocrainande.”

<sup>34</sup> Na ne an tip najaona kirara tikcari, te, nena iroara wandoik tingik ndeacranandet. Na ne tipemb ngorikta makukara kai mac mo teac. Na ne warac, nena rikna ndeida Raran Aetaniacmo mba lamjireke. Na aku an kam ndoprinanna, nenmo nena morena tipemb kirarirta numbira mona moca.

*Waira mac nda ngepeknanna ma dam ngoinna watnandet*

<sup>35</sup> Narikca ramoot ianna ma gainda diginande, “An menacatna meikramtair, titoc ngoin mac nda ngepit? Na mina titocna ngegetrikina tikap mac nda ngepit?”

<sup>36</sup> Narikca moca u emtemma najaonari? Na u lamjirena u konna loora mutocrinan, na an konna loora ma outta menacnandet, na injmbai mbuņa ma eteacna watta anjinandet.

<sup>37</sup> Na an reacna u mutocrinanna, anna konna loor, co, kabena reacna loor, anna ma reac wanain, injmbai nagacekna reikca. Wanain. Ma an injmbai nagacrena konna loorna iroa mba gacitndait.

<sup>38</sup> Na Raran Aetaniaca ma ndo mina gagrirapa raprirap neanjatna, an mana tonjonna irona kirar mbuņa neanrena. Na ma ndo an amta

---

15:34 Up 26.8, na Ro 13.11, na 1 Ko 6.5, na Epe 5.14, na 1 Te 4.5

15:35 In 12.24, na 1 Io 3.2

15:36 In 12.24

15:38 RL 1.11

reikta mombonikta gagrirapa raprirmo iro, iroa moca mina muruŋmo kabe, kabea neaŋgatna.

<sup>39</sup> Na mina tikembca muruŋa iro kabe niŋgikca, wanaiŋ. Na ramootna tikca kabe niŋgik, na amta ŋgoaebca mina tikembca damar, na ŋgorikta tikemb minanna dammbai, na ŋgoaebta tikemb minan toco dammbai.

<sup>40</sup> Na riac tamuŋna reik toco, mina tikemb damap, na tiacarpaikna reik toco, mina tikemb damap. Na riac tamuŋna reikta lamboia anna iro ian, na tiacarpaikna reikta lamboia anna iro ian.

<sup>41</sup> Na ra, mana memetaca iro ian, na karwaia mana memetac toca iro ian, na guiara mina memetacara iro ian. Na guiar kabe, kabena memetaca mina memetaca iro, iro damar ndeacrena.

<sup>42</sup> Na memenacna ramootta mac nda ŋgepna tip kirara, ma aind niŋgik ndeacnande. Na wairmo mutocrenan, ma kota ŋgocrainandet. Na waira mac nda ŋgepeknan, ma mba mac koti ŋgocraiitndai.

<sup>43</sup> Na wairmo aia mutocrenan, anna ma iremb kocor. Na waira mac nda ŋgepeknan, anna ma iremb anikap. Na waira aia mutocrenan, anna ma gagrar kocor. Na waira ma mac nda ŋgepeknan, anna ma gargarapnan.

<sup>44</sup> Na waira aia mutocrenan, anna gan tiacarpaiknan. Na waira mac nda ŋgepeknan, anna tamuŋna auŋnan, na ma Neroŋ Ratna kirar toc ndarunandet.

Na gan tiacarpaikca wairap eacrena, na tamuŋna auŋna wairap, anna Ŋeroŋ Ratna kirar.

<sup>45</sup> Na Raraŋ Aetaniacna timbigta kap toco gaindopatna, “Outna ramootta anna Adam, ma ramoot ndaruca ma eteacna watap.” Na inŋmbai ŋgoiŋ ndaruekna Adam ian, ma ŋeroŋ toca laruca meikramtairmo eteacna wat neaŋrena.\*

<sup>46</sup> Na an eteacna watta anna ŋeroŋnan, na ma outta mba laruri. Wanaiŋ. Gan tiacarpaikna eteacna wat, ma ndo out ndarurina, na inŋmbaia ŋeroŋna eteacna watta larurina.

<sup>47</sup> Na outna Adamma, gan tiacarpaikna pitrikna kapir mbuŋa moatna ramoot, ma gan tiacarpaiknan. Na inŋmbaina Adam, ma tamuŋna auŋ ndiŋnan kipatna.

<sup>48</sup> Na gan tiacarpaikna meikramtair muruŋa mina gan tiacarpaikna ramootna kirar toc ndarurina. Na tamuŋna auŋna meikramtair muruŋa mina an tamuŋna auŋna ramootna kirar toc ndarurina.

<sup>49</sup> Na mandeaca aia muruŋa gan tiacarpaikna ramootna kirar toc ndeacrenan, na aintocna tip kirar kabea, aia muruŋa an tamuŋna auŋna ramootna kirar toc, aind ndeacnande.

<sup>50</sup> Na ne Iesusa riŋpacrena laiplacar, aku nenmo wandorŋ ŋgoiŋna aindopnande, gan tiacarpaikna ramootta, Raraŋ Aetaniacna bubuoca mba mac

---

**15:45** RL 2.7, na In 6.33, na 6.39-40, na 6.54, na 6.63, na 2 Ko 3.4-6, na 3.17, na Pil 3.21 \* **15:45** An inŋmbaina Adamma anna Kacoot Iesus. **15:47** RL 2.7, na 3.19, na In 3.13, na 3.31 **15:49** Ro 8.29, na 2 Ko 3.18, na Pil 3.21, na 1 Io 3.2 **15:50** Mt 16.17, na In 3.3-5, na 1 Ko 6.13

mbukitndai. Na ma an Raraŋ Aetaniacna bubuocna reik lainga mba aŋgiitndai. Na an ŋgocrairena reac, ma ŋgocrai ŋgocorta reacmo ma mba aŋgiitndai.

<sup>51</sup> Ainda moca ne warac, aku nenmo iŋgoroca eacrena kam ian ndopna mamoeek, na an kamma gaind, aia muruŋa mba menacitndait. Na aia muruŋa ŋgetrikica iro ian ndarunande.

<sup>52</sup> Na anna tawi ŋgoinna ndarunande, an minna mamamaina taurna miitmiit aniaca kam rapacnande. Na anna gidik, taurna miitmitta kam rapac te, menacrina meikramtair mina mac nda ŋgepnande, na mina mba mac menacitndai. Na aia muruŋa ŋgetrikica iro ian ndarunande.

<sup>53</sup> Na anna gaind, an tik ma ŋgocrairena, na ma ŋgetrikica ma memetmbaca laŋ ndeacraŋnande. Na meacramootna tikca ma menacrena, ma ŋgetrikica iarwarna eteacna wat aŋgica memetmbac ndeacraŋnande.

<sup>54</sup> Na anna gidik, meacramootna tikca ma ŋgocrairena, na ma ŋgetrikica, memetmbaca ma laŋ ndeacraŋnande. Na meacramootna tikca menacrenan, ma ŋgetrikica iarwar ndeacraŋnande. Na oit ianna min mbuŋa, Raraŋ Aetaniacna timbigta kapna kamma gidik ŋgoin ndarunande. Na Raraŋ Aetaniacna timbigta kapca gaindoprina, "Raraŋ Aetaniaca ma ruŋga gagarca memenacmo moa irikca kocnai moi topnande.

<sup>55</sup> Na u, memenac, una gargara te? Na u,

---

**15:51** Pil 3.21    **15:51** 1 Te 4.15-17    **15:52** Sek 9.14, na Mt 24.31, na 1 Te 4.16    **15:53** 2 Ko 5.4    **15:54** Ais 25.8, na Ib 2.14-15, na KIEK 20.14    **15:55** Osi 13.14

memenac, una lapoca te?”

<sup>56</sup> Na menacna lapoc, anna tip ngoreacna makuk, na tip ngoreacna makuk, ma Tip Wandik mbuņa gargar anġirena.

<sup>57</sup> Aintik aia Raraņ Aetaniacmo kam laņ neaņ! Anna aina Kacoot Iesus Karaisna gargar mbuņa, Raraņ Aetaniaca aimo gagarar neaņa aia ruņa outta tikrina.

<sup>58</sup> Aintik ne aukna matnjirena Iesusa ripacrena laiplacar koind, ne matau witik gagraca eac, na kai inġitikca mac nda taņ teac, na ne Kacootna aiņir anikca morenanna, ŋarikca wanaiņ ndacari nari. Na ne gaind ndamnjiraņ, memetmbaca ne Kacootna aiņmo wakikica moraņ.

## **Pola ma lamnjirina reik, ma ndomo mona kam ndoprina**

### **16**

(16.1-24)

*Pol ma Ierusalemma neaņ taņa kitukndukna kamma an ndoprina*

<sup>1</sup> Na mandeaca aku gan kitcartukara ne iurenanno, Raraņ Aetaniacna meikramtaira Ierusalem ndeacrenanna, neaņa morena kitukndukna kamma. Na an Iesusna ritipaikta meikramtairta tumbunna an Galesia ndeacrenan, aku minmo taup wandacrinan, na ne toco ne ainda mo.

---

**15:56** Ro 4.15, na 5.13, na 6.14, na 7.5, na 7.13    **15:57** Ro 7.25, na 1 Io 5.4-5    **15:58** 2 Nin 15.7, na 1 Ko 3.8, na 2 Pi 3.14, na KIEK 14.13    **16:1** Up 24.17, na Ro 15.25-26, na 2 Ko 8.1-9, na Gal 2.10

<sup>2</sup> Na karwaina ŋgat kabe, kabena rai lacaumo, nena kabe, kabea an ra taŋga maiapekna ŋgatna rana inikca, ne aŋgira tikrina kitukndukarmo titaca tipmo ndorita kaikca tikca moi aniac motem ndaruna. Ŋarikca aku kip te, ne mina neaŋna kituknduk nake mba oreitndai. Ne minmo neaŋna kituknduk emtemap eacnandet.

<sup>3</sup> Na kaina oitna minna aku kipi laruek, ne ndorita ramtair ndepik larapaca, ne minmo an wanaiŋna opotaca momona kituknduk aŋgica neaŋca mina Ierusalemma taŋna. Te, aku minmo timbiŋ rapara moi neaŋca minmo mandaca mina taŋna.

<sup>4</sup> Na aku minap taŋna ndamŋi te, anna laŋ auk toco minap taŋnande, te, mina aukap taŋnande.

*Pol ma Korinnanda watna taŋna toŋgorina*

<sup>5</sup> Na aku Masedoniana pitrik waŋ aniacna inik ndeacrena meikramtairmo pac taŋi watcarica, iŋmbaia aku kipca nenmo watnande.

<sup>6</sup> Na aku nenapmo emtem pac eac mandacnande. Na aku mba lamŋiri, aku nenapmo eaci taŋi macait aniacapa wat gagau aniac mait ki? Te, iŋmbaia aku kabena auŋa taŋna mo te, ne aukmo otaca aku taŋnandet.

<sup>7</sup> Na aku ndomo nenapmo kidrik tekemmotem niŋgikca ndeteac mba toŋgori. Wanaiŋ. Na Kacootta ndo aukmo watcari te, aku nenapmo kidrik rocotcait motemma nenap eacnande.

<sup>8</sup> Na aku ndomo Epesus ndeaci tanji Pentikosna ra ndaru ndopat tik.

<sup>9</sup> Aintik Raranj Aetaniaca ma aukna taupmo ma moa waekerina. Na aku ainj bagaraniacap, aku meikramtairmo otaca minmo moi meikramtair wandoik taruna. Na punnanj gep wit aniac toco maeacreke.

<sup>10</sup> Na injmbaia Timoti ma nen ndambuñ nakip te, ne mataucari, ma nena inikmo ma nikinik iro wetwet ngoin ndeacnande. Na ne warac, ma Kacootna ainja morena ramoot, an auk morena ainja kirar.

<sup>11</sup> Na njarikca nena ianna manmo, anmo ramoot wanainj ndopca mana kamma warac narica kari nari. Wanainj. Ne mana iromo moi laja moca, manmo otaca, injmbaia ne manmo auk ndambuñ nakipna taup wandaca ma auk ndambuñ nakipnandet. Na aku Iesusa ripacrena laiplacar ndeida manap kipna lambinande.

<sup>12</sup> Na aina kaka Apolosna kam mananna gaind, memetmbaca auk manmo gagaraca mboprena manapa Iesusa ripacrena laiplacar ndeidap, minmo nena kipi watna moca. Na ma ndomo mandebanna tataja karica. Na injmbaia ma kipna ndop te, ma kipnandet.

### *Kabena kamb ndeid*

<sup>13</sup> Na ne matau ripac gagraca, ndori koindmo matau wati eac. Na ne matau witik gagra, na ne kai nanambi teac.

---

**16:8** TN 23.15-21, na TW 16.9-11    **16:8** Up 19.8-10    **16:9** Up 14.27, na 19.8-10, na 2 Ko 2.12, na Kol 4.3, na KIEK 3.8    **16:10** 1 Ko 4.17    **16:12** 1 Ko 1.12, na 3.6    **16:13** Njap 31.24, na 1 Ko 15.1, na Epe 6.10, na Pil 1.27, na Kol 1.11, na 1 Te 5.6

14 Na an reik wit anikca ne morenan, ne ndorita mamatjimo Raranj Aetaniacapa, meikramtairmo gidikca neanj.

15 Na ne Iesusa ripacrena laiplacar, ne Stepanasna wiwitnanmo ne malamjireke. Mina Akaiana pitrik wajna meikramtair, na mina outta Iesusa ripacatna laiplacar ndaruatna. Na mina tonjon mbuj, mina Raranj Aetaniacna meikramtair ngotacna aijnna ramtair ndaruatna. Na aku nenmo digdigi gargar madigiek,

16 aintik ne ainta ramtairap, na an ramtaira min ngotaca an aijnna morena ramtairta kangauk ndeac.

17 Na Stepanasapa, Potunatasapa, Akaikasap, mina auk ndambuj nakipatke, anna mocha aku tonjon ngoin. Na anna gaind, ne auk ndambuj nakipna minna wanainj, aintik mina nen ngotaca mina auk ndambuj nakipatna,

18 na an ramtaira mina aukna iro inikca moa wewettari, nena iro inik motocmo moa wewettarina. Aintik ne aintocna ramtairmo mina irembmo anjiri ngep.

19 Na Iesusna ritipaikta meikramtairta tumnambca Esiana pitrik aniacna inik ndeacrenanna, mina nenmo ra lanj neanjrina. Na Akuwilaapa, Pisisila, manijnna kacnima punirena Iesusna ritipaikta meikramtairta tumbunap, mina memetmbac ngoinna nenmo Kacootna i mbujna nenmo ra lanj neanjrena.

---

**16:14** 1 Ko 14.1, na 1 Pi 4.8    **16:15** Ro 16.5, na 1 Ko 1.16    **16:16**  
 1 Te 5.12    **16:18** Pil 2.29    **16:19** Up 18.2, na 18.18, na 18.26,  
 na Ro 16.5, na 2 Ti 1.15



<sup>20</sup> Na an Iesusa ripacrena laiplacar mina muruᅇa nenmo ra laᅇ neaᅇrina. Na an kirara aia Raraᅇ Aetaniaca raᅇgaica morena kirar mbuᅇa, ne muruᅇa kabe, kabea an Iesusa ripacrena laiplacarmo, minmo pipopotaca mo.

<sup>21</sup> Na aku Pol, aku ndona par mbuᅇa nenmo an ra laᅇ turrina.

<sup>22</sup> Na ramoot ianna ma ndona mamatᅇjimo Kacootmo neaᅇ ᅇgocor te, ma ᅇgocrainandet. Na aina Kacoot, u kip!

<sup>23</sup> Na Kacoot Iesus Karaisna kakadmai aniac mananna nenap eacnande.

<sup>24</sup> Na Karais Iesusna i mbuᅇa aku ndona mamatᅇjimo nenmo muruᅇcamaᅇa neaᅇrina, na anna gidik.

---

**16:20** Ro 16.16, na 2 Ko 13.12      **16:21** Kol 4.18, na 2 Te 3.17  
**16:22** Gal 1.8-9

**Raraŋ Aetaniacna Kam Wemban Lan  
New Testament in Mborena Kam language  
Nupela Testamen long tokples Mborena Kam long  
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 18 Apr 2025 from source files dated 29 Jan 2022

8e1073ed-d2dc-5f3a-bb48-5406185123a7